

南
社
叢
選

貫成署



上海图书馆藏书



A541 212 0016 54508

詩經

尊一題



上海圖書館

國學社印行

詩選目錄

卷一

太一詩七十七首

蘿澤詩三十九首

君曼詩二十九首

冥飛詩六首

詠康詩二十四首

漢元詩十二首

定元詩五首

秀元詩四首

洞庭詩五首

經輿詩二首

甯調元

鄭澤

劉國鈞

張燾

周詠

陳家鼎

陳家英

陳家慶

李澄宇

李德羣

邁南詩四首

駱 鵬

旭芝詩一首

方榮杲

異卿詩五首

黃一堃

悔晦詩九首

吳恭亨

卷二

漁父詩八首

宋教仁

伯純詩五首

張通典

默君詩三十首

張昭漢

醉盦詩十三首

龔爾位

隼庵詩二十二首

龔 騫

介夫詩七首

譚作民

屯良詩一百二首

傅熊湘

栩園詩二十二首

黃鈞

約真詩十五首

劉謙

今希詩一首

劉澤湘

惕生詩八首

陽兆鯤

民訐詩五首

潘世謨

侶霞詩四首

朱德龍

滄霞詩二首

劉師陶

幻盒詩五首

文斐

幻園詩四首

文灰

芸盒詩四首

卜世藩

攘夷詩二十首

孔昭綬

卷三

曼殊詩七十五首

蘇玄璞

阿瑛詩五首

孫璞

勿庵詩十一首

繆鴻若

精衛詩三十一首

汪兆銘

蘭史詩六十四首

潘飛聲

太侔詩二十三首

沈宗畸

孝則詩六首

沈厚慈

季藹詩十七首

沈厚和

卷四

晦聞詩三十一首

黃節

哲夫詩二十二首

蔡守

瓌華詩四首

黃懺華

伯孝詩二首

胡熊鏗

夢廬詩六首

葉敬常

遂叟詩六首

尹燿

小進詩六首

馬駿聲

澤庵詩四首

吳沛霖

爾雅詩十七首

鄧溥

公愚詩二十六首

古直

一厂詩二十九首

林百舉

薛生詩六首

鍾動

圉人詩三首

謝良牧

定禪詩四首

黃瀾

一梅詩五首

饒眞

著叔詩十一首

温見

小白詩四首

李賚夢

抱香詩十一首

謝英伯

君武詩五首

馬和

孟碩詩八首

鄧家彥

更存詩一首

陸嶠南

棟岩詩四首

龐成宇

卷五

寒碧詩二十首

林景行

勒生詩十三首

陳子範

浚南詩九十三首

林學衡

秋葉詩二十九首

林之夏

蔣山詩二首

蔣信

穉蘭詩五首

陳光譽

荷公詩十一首

邱復

潛廬詩三首

丘翊華

幹寶詩十首

蘇南

卷六

弘一詩一首

李息

中壘詩十首

白炎

秋陸詩五十二首

景耀月

梅九詩十九首

景定成

吉樂詩四首

王漢章

孝毅詩十首

曾延年

无量詩三首

叔永詩四首

鐵崖詩二十六首

荔丹詩四首

景廬詩五首

天民詩三十一首

佩青詩七首

季剛詩二十五首

景瞻詩十首

小柳詩十三首

懺盒詩二十一首

謝无重

任鴻雋

雷昭性

張光厚

郭惜

呂志伊

謝樹瓊

黃侃

周宗澤

陶牧

胡先驥

卷七

白丁詩十首

丁上左

展庵詩九首

丁以布

亮才詩十七首

周亮才

天風詩三首

譚天

道非詩五十五首

沈礪

十胥詩三十首

余其鏘

一民詩七首

李雲夔

九一詩四首

顧餘

芷曉詩七首

周斌

懺惠詩五首

徐自華

小淑詩十首

徐蘊華

鳳蔚詩四首

朱謙良

貞壯詩十五首

諸宗元

栗長詩十首

胡穎之

傲廬詩九首

孫世偉

元冲詩一首

邵庸舒

越流詩四首

陳 樛

海帆詩三首

王毓岱

漱岩詩三十九首

黃葆楨

同伯詩五首

張 恭

次公詩三十四首

邵瑞彭

和甫詩三首

丁立中

不識詩七首

丁三在

卷八

仲穆詩二首

周祥駿

無盡詩十四首

周實

无妄詩三首

卽天雷

雪抱詩二首

張冰

杏佛詩十五首

楊銓

蔚西詩十一首

張相文

仲文詩六首

伍崇學

匪石詩二十二首

陳世宜

枚叟詩十四首

趙光榮

中冷詩二十六首

葉玉森

杏癡詩十五首

姜可生

揮孫詩三十六首

張素

蛻庵詩四十三首

芍岩詩一首

蘭皋詩二首

漫庵詩一首

萬里詩五十首

西神詩三首

梁任詩四十四首

天笑詩十一首

瞿安詩三十四首

卷九

摩西詩八首

獨笑詩八首

陳 蛻

張懷奇

汪文溥

吳有章

蔣士超

王蘊章

朱錫梁

包公毅

吳 梅

黃 人

龐樹松

槃子詩四十七首

龐樹柏

蛻公詩二首

蕭蛻

劍華詩三十八首

俞鏗

石予詩五十一首

胡蘊

天遂詩十首

余疚儂

了公詩九首

楊錫章

龍丁詩十九首

費硯

鶴雛詩八十六首

姚錫鈞

佛子詩十九首

高增

吹萬詩二十六首

高燮

天梅詩四十三首

高旭

石子詩十五首

姚光

卷十

巢南詩一百四首

亞子詩八十二首

眉若詩五首

穎若詩三十一首

冶民詩十六首

楚儻詩五十三首

大覺詩三十八首

劍芒詩二首

一飄詩九首

莘子詩四首

悼秋詩七首

陳去病

柳棄疾

沈昌眉

沈昌直

蔡寅

葉葉

王德鍾

朱慕家

費公直

凌學堅

顧无咎

卷十一

魯望詩四首

少華詩四十七首

度青詩十五首

瘦月詩三首

善之詩二十九首

蟻虹詩三首

瘦坡詩十五首

影廬詩七十六首

卷十二

寄塵詩七十四首

蕙蓀詩十六首

孫變齊

李光

奚洞

王橫

程善之


黃質

方廷楷

汪洋

胡懷琛

胡惠生



南社叢選

詩選卷一

涇縣胡韞玉樸安選錄

太一詩選

甯調元字太一湖南長沙人今錄詩七十七首

燕京雜詩

弦管燕京三月天。風沙撲面若爲憐。鷓鴣溟北思千里。雞犬淮南盡九天。傀儡漸憑樽酒盡。佯狂羞較世人賢。萬般迷誤能排解。益信空華在眼前。

求田問舍亦徒然。來日無憍去日閒。爲鬼爲蜮將一世。不飛不鳴已三年。巴蛇漸長期吞象。蜀帝從今定化鵑。容易河陽絲兩鬢。婦人醇酒未應憐。

歲既晏兮孰華予。竊國者侯竊鈎誅東方。玩世成飢餓。南郭仰天似槁枯。半解一知天下士。千歧百轍釜中魚。當時汾水樓船意。風起雲飛盡感吁。

河山元氣入殘秋。感慨時艱涕暗流。災異江都曾作賦。功名李廣不宜侯。鳳凰

可惜供鷹犬。騏驎偏令作馬牛。意志新來摧折盡。人間何處可埋愁。
曉聞雲霧蔽長安。羊胃羊頭天畫寒。銅臭可憐兼乳臭。時艱益復信才艱。人情
葉葉都如此。世路悠悠古所難。多少東風零落恨。百無聊賴強爲歡。
陰雨淫淫鬼晝行。南風吹鬢憫餘生。韓非發憤書徒著。毛遂歷階意未平。不淨
塵根多懊惱。轉疑恩怨太分明。當年情意消難盡。憑仗青蠅身後名。

清明憶亡友姚宏業

望渺渺兮隔海溟。鯨鯢未斬浪花腥。杜鵑啼血千山紫。春草連煙萬里青。百二
山河同敗絮。兩三親友各飄萍。傷心又過清明節。樽酒招魂何處汀。

八月十五夜漫書一律

玉宇瓊樓最高處。一天靄霧撥難開。祇憐玄兔千年冷。不見靈槎八月來。身世
飄蓬眼中涕。山河破甑劫餘灰。人生半世團圓夢。輸與月明第幾回。

立秋柬鈍劍松江

庭梧一葉下。餘暑未全消。江海悲冥滅。音塵久寂寥。人先秋色老。恨入楚雲遙。戈者誠何意。飛鴻篡九霄。

無題集元人句

久無談笑路西東。魚雁沈沈信不通。時復思君倚深樹。燈花猶記別時紅。油壁香車不再逢。畫樓魂夢可曾同。茫然不悟身何處。夜夜空隨斗柄東。喚取青蛾對酒歌。思歸無路欲如何。寄來妙句能相憶。別後悲歡事幾多。碧衛難填碧海乾。徘徊中夜倚闌干。不堪容易少年事。安得愁中却暫歡。

感事一什病中作

百國潮流捲地來。天公沈疢大如雷。神仙半出淮南犬。土木爭營郭隗臺。萬事塵勞成痛哭。十年生死幾輪迴。天籟過眼飄流盡。但覺寒爐有死灰。

東蛻庵三什

兜率分居第幾天。相思相憶甚於前。春花秋月願難了。黃土青山事可憐。閒憶

宜梅傷歲暮。却疑歸夢在人先。重重烟霧重重樹。何處黃昏待月圓。
北瘦南肥各迥然。知非遙想待他年。繁華漸逐山河盡。誓願差同鐵石堅。
成佛成仙都不易。胡天胡帝鎖相憐。桑乾千里東流水。流亦無窮恨亦綿。
偶裁紅豆便盈枝。仗汝紗籠壁上詞。一水盈盈無奈遠。雙鱗片片都成辭。
曾因姊妹吟桃葉。若爲芳菲惜柳枝。多謝司勳能薄倖。幾回惆悵欲歸時。

唐守榭蹈江死以此哭之

一呼一吸一障礙。始信不如歸去休。楚水楚山皆是恨。蠻烟蠻雨那堪愁。
陸機感逝當年賦。宋玉悲來何處秋。國士無多淪落盡。青燐遙夜起山邱。

粵東感賦

鎮海樓頭棲暮鴉。越王祠下樹爭花。風雲西望生機盡。鸞鳳南來佳處差。
回首烟花如夢寐。賞心樂事惜年華。重重烟瘴頻頻雨。似此羈遲亦可嗟。
彩鳳荒唐逐野鴉。天涯何事覓飛花。端居悶悶繁憂集。塵海茫茫百念差。
一代。

興。亡。成。昨。夢。萬。重。恩。怨。視。空。華。糊。塗。長。大。糊。塗。老。閒。坐。千。杯。那。用。嗟。

感舊集定庵句

西來白浪打旌旗。慙愧飄零未有期。洗盡狂名消盡想。渡江只怨別蛾眉。
名場閱歷莽無涯。忽向東山感歲華。翻是桃花心不死。自緘紅淚請迴車。
碧玉門前產麗華。腰身略似海棠斜。梅魂菊影商量遍。可惜南天無此花。
弱冠尋芳數歲華。今年負煞武陵霞。初弦相見上弦別。不是南天無此花。
重話京華送我情。詞鋒落月互縱橫。人生那用長辛苦。整頓全神注定卿。
身世閒商酒半醺。亦狂亦俠亦溫文。綠珠不愛珊瑚樹。合配琳瑯萬軸身。
是仙是幻是溫柔。銀漢迢迢入夜愁。花月湖山驕冶甚。今番嫩約怕沈浮。
莫恨今生去日多。不論鹽鐵不籌河。百年心事歸平淡。甘隸妝臺伺眼波。
醒又纏綿感歲華。吟鞭東指即天涯。難忘槐市街南宅。救得人間薄命花。
美人信有錯刀投。更折梨花寄暮愁。難學冥鴻不回首。明朝何況促蘭舟。

小別湖山。劫外天。七襄報我。定何年。香蘭自判。前因誤。空損秋閨。一夜眠。倦矣應憐。縮手時。卿籌爛熟。我籌之安排。寫集三千卷。刪盡劉郎本事詩。

冬日雜詠集社

天時人事自相催。山意衝寒欲放梅。世代飄零。余到此。一生襟抱向誰開。歲云暮矣。增離憂。高視乾坤。又可愁。弟妹蕭條。各何在。竟非吾土。倦登樓。四海十年不解兵。人今罷病虎縱橫。思家步月。清宵立。月傍關山幾處明。中天月色好誰看。積雪飛霜此夜寒。古往今來。皆涕淚。蠻夷雜種錯相干。身願奮飛病在牀。詩成吟咏轉淒涼。舌存恥作窮途哭。自笑狂夫老更狂。我有新詩何處吟。風濤颯颯寒山陰。三年奔走。空皮骨。長使英雄淚滿襟。社稷蒼生計必安。一談一笑俗相看。禍衡直恐遭江夏。信有人間行路難。老去親知見面稀。不堪遊字芟荷衣。何人却憶窮愁日。寄謝悠悠世上兒。

壬子感事四章

上將雍容閫外尊。醴泉芝草信無根。六朝金粉推紅玉。七郡良家盡孟賁。不食
帝粢終積憾。似聞遼鶴有啼痕。交游百輩凋零後。當作晨星總可論。
哀樂中年夢裏過。功成兒說有漁簑。鄂袋不盡鬪毫髮。樹木從容老橐佗。似此
生存真不易。古來英武亦無多。歷朝興廢尋常事。穀得旁人爛斧柯。
世漸承明喜欲狂。衣冠重覩漢家裝。五千貂錦張旗鼓。百二金甌資棟梁。青史
更無先例在。黃牛貪看異鄉忙。愁來對此頻搔首。慚愧新添兩鬢霜。
塞上秋高馬漸肥。將軍推食復推衣。高樓西北騰奇氣。大海東南露國徽。此去
似憐烏鵲意。我來不見木棉飛。十年一事生差幸。眼看征人奏凱歸。

集定庵句柬鷓鴣楚儉

連宵燈火讌秋堂。歌板無寥舞袖涼。等是才華不嶮削。勿徒鬚鬢矜斑蒼。逢君
只合千場醉。篆墓何須百字長。誤我歸期知幾許。南風愁絕北風狂。

王君衍約作北郭昌華之游。黃晦聞李茗柯蔡哲夫潘致中卽席次韻答。

哲夫

天涯何處無芳草。歸隱終須到此鄉。歡會縱多容易散。舊游回憶更堪傷。枯荷着雨。憐秋意。海燕結巢。隱畫梁。今日得錢拚一醉。何如傀儡強登場。

游白雲歸感賦四律並柬同游諸子有序

七月既望英伯發起作石門之游君衍有北郭昌華之約連日微逐老子於此興復不淺以爲廣州附郭名山首數白雲舟車四至而不及此誠恐山靈笑人此次同去者爲梅縣謝英伯順德黃晦聞蔡哲夫鎮江王君衍蘇州李茗柯南海潘致中並余爲七人在能仁寺一宿而返返讀太平洋報見鷓鴣和拙作四律復廣其意成四什答之並柬同游諸子

丈夫三十尙平平。豎子爭傳衛霍名。不道風雲催世變。由來生死見交情。亡羊已爲歧途誤。功狗翻先狡兔烹。聞說佳人爭絕代。竚看傾國與傾城。

江水南流夜有聲。萬家燈火夾江明。我來不勝丘山感。對此難消遲暮情。猶犬
覩顏暄上座。沐猴作態誤蒼生。酒闌重憶十年事。忽動熱潮憾未平。
夜氣蕭森十里堤。出門可有上天梯。神仙傳裏新雞犬。粉墨場中假笑啼。舊雨
傷心如此別。好花過眼莫重提。昨宵身在能仁寺。似聽秋聲過隔溪。
中年情緒似秋華。開亦無聊落亦差。握手盡憐今日意。狂游能得幾回佳。百年
牽絀如何了。一念輪廻未有涯。欲謝夷齊歸隱去。又愁猿鶴北山譁。

海上次韻答天梅

去年此日相逢地。可肯年年此地逢。殘雪未銷成臘鼓。新元彈指過黃龍。一壺
濁酒從容盡。竟日清談意態雄。我向吟壇一低首。詩人今有李空同。

癸丑獄中作 有序

東望夏口西望武昌。焦土留痕想見阿房之火戰場。自古誰招江上之
魂飛燕。依曠野以結巢。遼鶴向荒城而隕涕。山崩鐘應險象環生。鳥盡

弓藏惡因暗種已亡羊於歧路顧止沸而揚湯用是周歲以來九州之
內商不安業農不歸耕決專制之聲闐于耳鼓促瓜分之禍逼于眉尖
蜀洛黨爭方振相當之旗鼓江河日下無非自殺之機媒宮之奇盡室
以行孔仲尼臨河而返梁鴻瞻宮闕而發五噫子胥對國門而掛雙眸
人之云亡天胡此醉余爲人民請命遠禍無方江有不靖之潮市多噉
人之虎鬼狐布毒利在金錢羅網當空窮于風影時維六月遂與於禍
嗚呼死亦何常馮諸天命物極則反誰識未然用爲詩以紀其事

蔓盡瓜稀淚暗吞須臾忍死可堪論誰明黃雀螳螂意頻見朱門主僕喧生世
何堪當五濁問天畢竟阻重閣身經波浪翻迴在待抉雙眸掛國門
拒狼進虎亦徒忙奔走十年此下場吉網羅鉗新伎倆牛頭馬面舊跳梁爛羊
滿地都如夢紙虎橫空任暫狂今日憑窗一凝睇水光山色劇淒涼

書感并序

東望夏口西望武昌滿眼劫灰三月咸陽之火秋墳鬼唱去年江上之
魂此古戰場李華過而流涕竟非吾土王粲倦而登樓范希文經世之
思先天下之憂而憂後天下之樂而樂屈正則卜居之痛衆人皆醉我
獨醒衆人皆濁我獨清進退已成羝羊公私且問蝦蟆自共和始勦專
制既除一紀於茲九州之內商不安業農不歸耕在朝無百年長治之
謀在野存旦夕苟延之想飛燕覆巢之懼城猶是而人已非啼鶻望帝
之聲樹欲靜而風不息山崩鐘應險象環生兔死狗烹惡因迭種出東
門而懷天路依南斗而望京華虎去狼來一蟹不如一蟹風淒雨苦後
人還哀後人宮之奇盡室以行魯仲尼臨河而返子胥殉波臣而抉雙
目梁鴻瞻宮闕而發五噫人之云亡天胡此醉余爲民請命遠禍無方
龍有魚服之嫌遂困豫且路多羊腸之險誰閔勞人化爲精禽識孽緣
之未盡踢翻嬰武原兒戲之所無市虎竟駭聽聞靈犀莫辟鬼彪後漚

續前漚而至鼠穿屋而有牙來日與去日俱難馬何時而生角此皆天
心之未悔禍抑亦人事之莫如何者也雖然生死何常憑諸天命晦明
相間誰識未然用為詩以紀其事時癸丑六月

天陰雨驟。晝聞雷。狂陞重重。即夜臺。鐵鑄九州。渾是錯。愁來百念。盡成灰。好還
且莫論天道。洩憤公然託禍魁。去日來年都。不易青。因知己託良媒。

蔓盡瓜稀。淚暗吞。須臾忍死更堪論。誰明黃雀螳螂意。頻見朱門主僕喧。生世
不諧當五濁。問天畢竟隔重關。身經波浪翻。迴在待抉吾眸掛國門。

豺狼為俚鳩為媒。萬種牢愁到酒杯。事業已隨流水盡。年華可有魯戈回。儘誇
熱釜能煎豆。何必寒爐始作灰。地老天荒有如此。起看星斗獨低徊。

拒狼進虎亦何忙。奔走十年此下場。豈獨桑田能變海。似憐蓬鬢已添霜。死如
嫉惡當為厲。生不逢時甘作殤。偶倚明窗一凝睇。水光山色劇淒涼。
題初祇二

首曾刊各報及南社八集序亦有異後乃自定如此據君手寫稿也末首中
二聯原作吉網羅鉗新伎倆牛頭馬面舊跳梁爛羊滿地都如夢紙虎橫空任

曾狂當
並存之

偶成

天南地北羽書忙。漢水滔滔接建康。妄擬清流能誤國。化爲黃鵠定還鄉。銅駝
寂寂迷衰草。玉樹依依戀夕陽。誰信循環百年事。幾人墮馬鬪新粧。

柬鈍劍松江

松江南望幾千里。秋雨秋風苦憶君。各有蒼茫無限恨。豈徒鶴立在雞羣。

秋興用草堂韻并序

癸丑邸繫武昌自夏徂秋蟄伏少事默誦杜陵秋興詩僅憶其四因疊

其韻和之以寫幽憂

秋燐冉冉入空林。牛鬼蛇神畫壁森。自悔危時輕出處。亦知天道有晴陰。分波
終仗靈犀力。填海猶存精衛心。最是迷離江上月。照人離恨到疏砧。

夕陽歸雁數行斜。人漸蹉跎鬢漸華。竟有潢池驚上座。微聞銀漢滯仙槎。叢祠

明滅篝燈火。落日淒涼榆塞笳。一樣不堪回首處。卅年身世似飛花。

百尺圍牆對落暉。囚徒生死事輕微。似聞孤雁傷羣盡。卻道寒蛾伴火飛。玩世

文章成獨往。中年哀樂與人違。雲英待嫁徐娘老。漫撫腰肢問瘦肥。

見說降旛出石頭。已傷離亂更傷秋。安排濁酒消長夜。欲掘青天寄古愁。世味

早知成腐鼠。人情何況逐浮鷗。茫茫前路無歸處。暮雨西風江上舟。
鈍根按杜
韻本州字

此作舟蓋
偶忘之

秋興再疊前韻

却從南苑望東林。江水無聲暮氣森。明日黃花堪插鬢。他時綠葉又成陰。五更

沈角驚殘夢。萬里飄蓬碎客心。誰惜天涯離別苦。幾家怨女拭寒砧。

不堪雨細又風斜。心緒都如未展華。漢上驚鴻冰作影。銀河彩鳳玉爲槎。百年

人事觀胡槿。萬里烽煙急暮笳。獨立江城無限意。我來不見落梅花。

朝來煙霧蔽清暉。魔力漸高道力微。何日黃龍能直抵。祇今烏鵲尙南飛。舊人

漸散空相憶。壯志猶存未忍違。從此蓬山天樣遠。休論燕瘦與環肥。
蕭蕭木葉下江頭。猿嘯天高萬里秋。北方佳人真絕世。南國紅豆最牽愁。竟教
異路傷風馬。爲惜前盟問海鷗。是果是因誰料得。偶然郭李又同舟。

秋興三疊前韻

秋煙漠漠鎖荒林。隔岸樓居氣象森。逝水爲誰留泡影。流光不惜分餘陰。一場
筵散輕分手。千里月明共此心。等是不堪愁裏聽。朝來寒雨晚來砧。
落日孤城萬柳斜。江山無復舊繁華。故宮真有金人淚。銀漢頻回帝子槎。一夜
微霜飛木葉。數行清淚咽胡笳。芙蓉生在秋江上。何事開花又落花。
漢家陵闕對西暉。南眺瀟湘煙雨微。眼見紅羊成浩劫。若爲黃鶴竟高飛。畏蛇
畏藥何時了。爲雨爲霖此願違。起視東南生意盡。幾人田宅擁高肥。
鸞囚鳳鎖楚江頭。一葉梧桐驚早秋。雲雨已成今昨夢。乾坤不盡古今愁。汾湖
簫管驚神鰐。海島旌旗殉野鷗。伐桂鋤蘭都細事。翻令魚網漏吞舟。

秋興四疊前韻

橙。子。初。肥。橘。滿。林。武。昌。楊。柳。獨。森。森。蓬。蒿。遍。地。橫。征。骨。風。雨。漫。天。接。曉。陰。龍。虎。
預。知。天。子。氣。蕙。鱸。忽。起。故。園。心。寒。衣。未。到。寒。先。到。淒。絕。城。頭。一。夜。砧。
牘。背。題。詞。字。半。斜。又。憑。絃。柱。問。年。華。憂。時。已。慣。同。孤。注。浮。海。何。當。借。一。槎。西。晉。
風。流。餘。劫。火。南。人。野。哭。怨。寒。笳。潘。郎。老。去。情。絲。滅。誰。與。重。栽。一。縣。花。
百。戰。河。山。近。夕。暉。金。陵。王。氣。亦。湮。微。千。金。今。日。求。黥。布。三。字。當。年。死。岳。飛。莽。莽。
乾。坤。名。士。盡。瀟。瀟。風。雨。故。人。違。南。冠。相。對。無。餘。事。飽。食。長。眠。轉。漸。肥。
天。氣。漸。涼。風。打。頭。囚。中。經。夏。又。經。秋。雲。飛。遠。岫。原。無。意。蟻。潰。長。堤。自。可。愁。憂。患。
那。堪。聞。杜。宇。網。羅。何。况。到。沙。鷗。楚。江。驚。浪。炎。江。雨。欲。歸。不。歸。何。處。舟。

用東坡獄中遺子由韻寄約真長沙

化。工。著。手。竟。成。春。萬。死。一。生。未。了。身。不。分。螟。蛉。爭。臥。榻。徒。令。鷓。蚌。飽。漁。人。庭。前。
聚。鵬。都。緣。命。枕。上。聞。鶻。定。損。神。從。古。盛。名。多。坎。壈。試。憑。後。果。證。前。因。

水斷雲沈。鄉夢冷天陰。雨濕鬼聲低。祇今枳棘巢鸞鳳。終古神仙有犬雞。短氣
共憐元祐黨。長齋偏有太常妻。幾時待得烏頭白。弱水東流更向西。右武昌獄
中詩二十
五首亡友寧君太一自癸丑六月入獄至九月絕命作皆輯自寄稿君著述頗
富而詩尤多其稿自粵携滬身後已不可得正待搜輯因先輯斯著俟當世君
子論定焉
鈍根附記

蘿庵詩選

鄭澤字叔容湖南長沙人今錄詩三十九首

雜詩五首答鈍庵

晚蟬鳴高林。絡緯啼庭樹。百蟲競炎候。繁響徹昏曙。霜露何淒蕩。子恆宵征。
修名懼不立。前路徒冥冥。冥冥復奚慕。春榮秋已藹。萬物更變幻。至道無虛盈。
荆棘彌道周。陰霾蔽天地。借問湘壘子。魂往將安寄。猿啾狖夜鳴。寤歌悲獨寐。
清箏不終彈。旨酒未能醉。我心懷隱憂。世路多歧異。蕪城偶行遊。莓苔滑人屐。
會當凌風飛。日月任淹逝。

高樓有思婦。所思在遠道。道遠不可致。幽思令人老。憑樓望湘江。江波漫皓皓。芙蓉媚幽渚。芳菲散清曉。採之贈遠人。窅然喪塵擾。結想在冥漠。精神自環繞。終傷然疑作。翩來阻行潦。

胡風吹沙磧。獵獵翳千里。郊野澹斜暉。權火忽宵起。君子遠于役。空房淚如泚。迢迢河漢星。耿耿軒窗裏。新婚冀永歡。遽罷鴛文綺。不念多乖離。但傷亂未已。增此靈修怨。孤芳汎蘭茝。

結廬金花巔。幽室聊延佇。靈氣鬱青蒼。白雲在庭戶。煙斂朝暉升。簾動松風度。翠篠喧寒泉。紫芝漑晨露。象罔得真詮。巖扃守元素。良友時經過。嘯吟慰遲暮。大化有推遷。神人自來去。

登樓歎

按劍登高樓。望遠紓煩憂。高樓不可登。忽忽煩憂增。憑欄望東方。東方何茫茫。不見若木嬌。樽桑但見蝦蟹變。作長鯨。長嘯將洪濤。巨浪空冥翔。令我望望心。

驚傷。憑欄望北極。北極何屹屹。胡沙驚飛眯我目。胡風發寒我臆。猓獠猓獠道旁立。千夫萬夫齊辟易。令我望望心膽慄。憑欄望南溟。南溟何冥冥。颶風呼天地。驚海若盪魄珠。崩毒瀧惡霧。紛相乘。令我望望心惺惺。憑欄望西域。西域何局局。天山南北履如闕。葡萄空向漢宮植。更有老僧清淨忘塵物。今也困若臺城佛。令我望望心欲哭。噫吁嘻。高樓不可登。噫吁嘻。登高樓兮煩憂增。何當淬我湛。盧劍乘風濤。兮斬長鯨。絕大幕兮驅猓獠。一揮定西域。再揮安南溟。使我登樓遠望心。懷清東西南北夷。以平。

夏夜作一首

霽夕。天氣清涼雨散餘。熱露華。霑人衣。閒庭粲星月。開軒聊容與。境適神超越。塵慮倏已寂。物役如可絕。煩暑不我蒸。靈宮自澄澈。慕彼逍遙遊。莊義澗幽蹟。

晚眺次鈍根韻

澹澹遠村烟。菀菀前溪林。鱗鱗夕雲景。依依歸鳥心。郊垌倏將暝。涼鬢風露侵。

端居惜幽勝。單袷事追尋。湖山雖信美。暮色忽已深。諒無魯陽賢。迴戈非所任。衆星爭光輝。微月照我襟。覽物增悲思。安暇計升沈。

夏日感興次鈍根韻卽以奉寄

朱華媚瑤沼。微風芬以清。炎羲正埃鬱。池館遠煩蒸。閒居成獨靜。逸響舒高情。懼茲南音寂。時作天籟鳴。園葵湛晨露。林日翳圓晶。帝天信仁慈。錫我谿山青。乘暇且徘徊。歡侶壺觴傾。毋唯事塵勞。歧路徒營營。

大楚雄南服。勢勒秦與齊。披荆羨熊經。篳路翩來棲。如何時代遷。坐令蔡速飛。接子知已而。三戶不可迫。予心憚隆暑。念此將誰嗤。

聖智日栖栖。沮溺詎自外。託命唯長鑱。田歌發清籟。炎威催稻熟。亭午花爭晒。但得倉箱盈。子弟或多賴。齊封懼東敵。亦可懲驕泰。耕莘有其時。之壘何須喟。物類非可齊。窮達異所任。予情信芳菲。嘯歌懷苦心。塞芬幽澗曲。取蔭喬松林。伊人在天末。參差流遠音。屏居愛新什。吟管紛如森。願偕采三秀。由來本同岑。

答鈍根詩二首

盛夏宜林泉。幽居夢清景。之子歸章龍。樵斤碧雲隱。余家金華麓。徂暑悲分影。炎囂信兩忘。但惜長途梗。未別早知愁。臨歧預超引。瑤蕭因風來。增人中夜耿。詩亡歎迹熄。稚廢來夷侵。求聲徧空谷。相彼嚶鳴禽。春明見顏色。不異雙南金。論詩已爽然。况識江海心。達人貴特立。清響縣南音。芳情唱予和。千載詎侵尋。迹遠神匪遙。湘波泛微吟。

嚶求草題詞

庭柱露華滋。虛寮素輝上。新詩偶披誦。中夜襟懷爽。秋士每多悲。僚慄動哀響。魏晉縱遼遠。高詠躡疇曩。幽谷嚶鳴清。大漢天聲莽。槍榆我自嗤。海運君懷敞。聆茲下問及。未作孤芳賞。皋蘭散芬菲。紉佩崇心尙。

贈鈍根遊海上

長帆翼金風。駕言拾海月。懿茲南溟徙。傾釀送將別。伊余性幽窈。篇什相朋儔。

新知正多樂。遠道重增愁。海上叢奇英。茲遊詎寥寂。眷言湘濱人。奚慰苦吟戚。芙蓉初作華。梁燕行將歸。期準如燕顏色。當華滋征途。多風塵。倘惜青衫袖。海綠搖空冥。時因傳尺素。臨歧且徘徊。短歌猶瓊瑤。乘桴雖適願。聊舒瘡脰勞。

七夕赴城

靈夕征期戒。新涼別思宜。天人殊聚散。魂夢與追隨。從來笑牛女。今夜轉相嗤。嫁錢能十萬。桃實詎千年。自昔悲塵世。由來有上仙。武丁亦多事。輸與恨纏綿。

偶作

心如頑石未能神。底事人間有衆因。自挾堅誠毀譽間。從兒戲守元真。湖山偶著形骸我。貧賤教成澹雅身。敢謂生來能怪特。何勞邑犬吠狺狺。

長沙謁烈士祠

靈雨飄東風。祠堂載瞻仰。花紙依簾垂。松鍼逼簷上。篆茲新龍香。拂彼舊蛛網。綠錢罷幽徑。華采輝吾黨。彷彿從文狸。英靈盡來往。士女紛如雲。縱覽逾疇曩。

致禮。雍。復。穆。陳。詞。慨。以。慷。歌。聲。飛。楚。雲。惻。惻。成。悲。響。感。此。悽。肺。肝。雄。心。增。颯。爽。
詎。唯。百。世。興。浩。氣。凌。蒼。莽。季。葉。絲。哀。榮。羞。彼。衆。生。罔。會。見。蘭。宇。旁。猗。猗。竹。林。長。

短歌行

青。青。湘。岸。柳。飛。絮。湘。江。裏。江。裏。蔚。蔚。花。浮。沉。漫。相。倚。相。倚。未。崇。朝。各。泛。東。流。水。
流。水。無。時。休。蘋。絮。無。時。已。無。已。其。如。何。願。作。紅。蓮。蕊。蓮。蕊。根。玲。瓏。瀾。瀾。蔓。中。吐。
中。吐。風。波。惡。蕩。此。清。香。起。香。起。增。高。華。雙。情。堪。樂。只。

暮秋見雪

南。中。地。氣。煖。初。冬。未。重。衣。今。茲。方。暮。秋。寒。霏。霏。微。獵。獵。朔。風。道。嗷。嗷。中。澤。啼。
胡。笳。正。悲。壯。東。菑。歎。年。飢。如。何。人。事。遷。天。時。與。推。移。清。夜。懷。無。溫。閉。門。聊。息。機。

橫塘

重。向。橫。塘。駐。玉。鞍。更。無。人。倚。赤。闌。干。翠。塵。淒。淒。澆。簾。烟。靜。蛛。網。愁。縈。鏡。月。寒。江。渚。
琵琶。首。已。斷。秦。樓。簫。鳳。去。無。端。曾。知。舊。日。隋。堤。柳。怨。線。愁。絲。一。例。殘。

秋日書懷

紫塞蕭條畫角鳴。寒衾倍覺夢魂驚。怕因落魄居人後。竟把傭書誤我生。投筆追懷班定遠。哀時誰似庾蘭成。請君試上湘樓望。萬一瑤空天氣清。

無題

魂斷江郎愁賦別。夢回杜牧暗傷春。記曾金管吹秋月。強解雙蛾一笑頻。金箋小疊訊朝霞。何處盧家更謝家。閒向赤闌橋上望。萬絲春雨葬梨花。

有寄

昨夜春風歸帝鄉。杏花依約出東牆。與君同唱江南好。多恐檀槽未斷腸。牡丹亭下幾曾過。偏向人前戲述多。解識君才同謝女。可能拈管詠湘娥。

壬子秋日鈍庵尊翁潤芟先生來城澤與癡萍醉庵夢蘧葵生鈍庵侍飲

義園鈍庵邀攝影象作詩奉呈

煌煌邱與索。淵粹惟耆舊。先生守遺經。清風澹儒素。悲哉余小子。英年瘳在疚。

出門悵何。塵埃汚衣袖。學殖坐荒落。惻惻楹書覩。自與賢嗣游。私淑獲益厚。
尚有老成人。歸存澆薄候。追陪攬秋色。羣彥適邂逅。共餐秋菊英。且飲清涼酌。
攝影紀盛游。或左亦或右。先生中不倚。聊作平原繡。文化縱遷迤。先生長壽耆。

題鈍庵侍其尊翁攝影

秋芳夢庭闈。父坐子侍立。和恭重肅。誰天倫樂無極。

題畫鈍庵屬爲覺子作

落花芳草影迷離。繡蝶蹁躑入畫宜。爲怕春光付流水。嫩寒間勒小烏絲。

佩忍初來長沙遊。麗山返夜與鈍庵夢。蘧痴萍醉庵邀飲。雲泉卽席奉贈。
浮江泛洞庭。揚靈戾湘州。吳楚共稱雄。由來盟好修。高詠久冥契。新見猶舊儔。
衡湘秋氣清。識子翩來遊。驗彼騷經奇。探茲林壑幽。清夜遊雲泉。追隨盡風流。
靈均餐落英。讌席聊綢繆。長沙迺山國。古意涵悠悠。幽蘭散芬芳。芳拳爲空谷。酬
讀鈍庵紅薇感舊記作一首

金風吹素節。陰暄幔層霄。侯茲雕與隼。奮翮搏扶搖。叢毆愴黃雀。枝借徂鷓鴣。亦有冥冥鴻。背負秋昊高。言掠銀漢過。載戾瓊宮遙。瓊宮闕仙子。顏若玉華嬌。忘我中澤哀。襲此天香飄。乘風偶回顧。中心怛以忉。城郭異疇昔。原野何蕭條。還與姮娥期。窅然喪塵勞。

壬寅春日謁屈子祠

綠湘無際向東流。一段忠魂尙此留。犀甲吳戈悲戰國。女蘿山鬼怨靈修。靡蕪僅得羅堂下。蘭芷終難蔚楚州。手把瓊芳閒禮拜。江城春雨更增愁。

侵曉自城還山

月斜星亞海天紅。萬戶無聲好夢濃。幸我迴翔平日氣。還從山寺聽晨鐘。

山齋卽景

爲愛青山拓小窗。半簾松影靜無厯。黃昏一陣廉纖雨。冷翠重重射玉缸。

病起

東風容易倩魂消。花裏柔絲帶蝶飄。最是懨懨人病起。杜鵑啼過赤闌橋。嫩日晶瑩曲檻邊。暖風吹散藥爐烟。道心了悟春心現。世界渾渾有萬千。

春雨

樓外春寒透綠紗。樓中春恨入誰家。東皇亦有千行淚。灑徧人間桃李花。

桃花

嫩寒新上小桃花。笑倚東風意欲賒。莫問長干舊時事。半彎眉月印天涯。

杏花

綠楊煙雨罷溟濛。紫燕雙飛掠碧空。閒策玉驄遊暖晝。春風紅到宋家東。

君曼詩選

劉國鈞字君曼湖南長沙人今錄詩二十九首

并游俠行

朝從燕市游。夕向并門飲。腰橫千黃金。醉酣袒衣寢。幽并多佳人。一一殊妙品。

相歡一揮盡千金。纏頭不惜明光錦。興至仍呼舊酒徒。挾弓篝火狹豺狐。生世
幸逢唐與虞。安用齷齪同侏儒。一朝時至成勳業。要遣功名到狗屠。男兒意氣
輕細作。相逢無用知名姓。疲驢側帽傲王侯。萬金三郤權門聘。昨夜爲人代復
仇。相期暫候城東樓。須臾含笑攜囊返。傾擲轉地如瓜投。明星沉沉黯欲墮。七
首拂拭鬼爲啾。五更卻又遼陽去。殘月烏啼風滿樹。

辛壬之間雜詩

故園南望渺鴻魚。京洛飄零感歲除。今日平臺賓客盡。風流不見馬相如。
論價西園計豈愚。功名盛世列屠沽。胡盧依樣君休問。中澤哀鴻血未枯。
十丈風潮倒海翻。何心吹浪笑江豚。一身四海無安頓。功罪千秋且漫論。
兵諫匆匆事有無。將軍計已失桑榆。談兵紙上揮閒事。一夕聲名遍九衢。
三戶稱兵據上游。雄師十道走通侯。笑他報國身猶在一樣。南冠泣楚囚。
大力天倪竟莫回。三軍左袒氣如雷。降旛一片匆匆出。橫海樓船拔浪來。

高談誰識五侯賓。佞口便便自絕倫。但取黃金印。如斗何論暮楚。復朝秦。羽檄晨傳。隕大星。東來消息一軍驚。北人歌舞。南人泣。畢竟天心未厭兵。曠曠蒼天步亦艱。居然霖雨起東山。國門十里軍容盛。錯認元戎奏凱還。前軍已報臨長樂。後帳猶聞唱莫愁。十萬居民屠戮盡。將軍新拜拆鄉侯。

餞春詞

洛陽三月春猶淺。剛覺春來春又歸。若個多情解相憶。征鞍還帶落花飛。化碧鶻魂鎮日啼。嬌紅姹紫怨何如。拋人容易匆匆去。莫到江南又久居。離離芳草連天遠。綠斷來時路幾層。欲倩楊花訊踪跡。可憐飄泊更無憑。離筵惆悵日西斜。客舍留春轉自嗟。多恐明年消息早。歸來依舊是天涯。畫樓垂柳碧絲絲。淚眼東風曉露滋。莫遣玉人便知得。者番花事又荼蘼。驪唱尊前未解愁。鶯花蝶草儘風流。碧城十二如天遠。何處鐘聲何處樓。羌笛淒涼怨玉門。春來春去了無痕。年年載酒長安道。折得楊枝總斷魂。

樓下花驄花下嘶。殷勤還與訂歸期。問君更有愁多少。拚把年華換別離。

月詞

嫩寒庭院雨初收。花影如潮翠欲流。繡幕深沈人不見。二分眉黛幾分愁。
倚窗臨檻總成癡。欲向姮娥寄所思。銀漢迢迢宮漏永。閒階無語立多時。
寂寂春城畫角哀。中宵扶病起徘徊。相思滿地都無着。何事深閨夜夜來。
蟾光如水浸簾櫳。飛絮迷離罨畫中。鸚鵡不知飄泊慣。終宵輕薄馬東風。
沈沈院落鎖黃昏。舊夢模糊剩淚痕。落盡棠梨渾不管。和雲和雨瘞春魂。
密雲如縵望來遲。爲拜雙星待小時。偷向丁簾深處立。怕他花影妬腰支。
春寒風膩冷銀缸。竹翠分陰上瑣窗。記得凭肩花底坐。含情羞見影雙雙。
午夜輕寒冷翠裙。葉嬌花媚影扶疏。玉人簾底偷窺久。渾怪初三瘦不如。
畫樓前後柳塘西。一碧澄鮮玉宇低。我欲化身雲萬朵。妨他清潔着汙泥。
影事如烟淚暗彈。釵痕依約粉香殘。傷心最是當前景。不似年時共倚闌。

冥飛詩選

張燾字冥飛湖南長沙人今錄詩六首

題亞子分湖舊隱圖

香雪簾櫳對曉江。鴛鴦棲處自成雙。青燈夜話兒時味。萬頃菰蒲綠到窗。初月鮮澄灑灑波。悅聞鄰女采蓮歌。中年哀樂餘圖畫。故國平居奈醉何。

十里清漪駐畫橈。東風吹綠上裙腰。有人眉撫描山翠。不戀分湖戀六橋。今年

佩宜夫人偕亞子作西湖之游再登寶石山巔流連不忍去亞子隱居吳江吳江無山故也

阿儂生小西湖住。憔悴天涯到處家。玉臂雲鬟勞客夢。風流無奈讓秦嘉。

白丁齋中讀高子吹萬傷曇錄率題二絕

形形色色鏡中身。面目廬山總不真。吹萬題君明六歲像謂攝影之日游樓外樓哈哈亭一人之形倏忽百變君明笑不

可仰嗣後時如許頭顱工變幻。料從人海證前因。

天上更無乾淨土。人間新築望兒臺。偃偃嬰鬼將何往。願汝乘風歸去來。

詠康詩選

周詠字詠康湖南長沙人今錄詩二十四首

感懷八章之六

蓬萊宮闕自迢迢。秋老狐狸氣更驕。千里吳江沈鐵鎖。九重仙仗肅金貂。缺來
袞職誰縫補。話到娥眉有詠謠。風捲塵沙飛鳥急。工愁頻瘦沈郎腰。
嬌姿侈說冠羣芳。寵襲盧家白玉堂。擊筑有人歌易水。揮戈無力返斜陽。青山
染遍黃花淚。夜露摧殘桂苑香。大地飛鳴素臯鳥。何年重見鳳鸞翔。

陣雲深鎖雨花臺。尸骨壘纍掩碧苔。子弟江東烏鵲散。關山薊北杜鵑哀。相煎
本是同根豆。論命還誇入夢槐。舉目新亭揮掬淚。刼餘誰是濟時才。
炊烟萬戶半荒涼。滿地哀鴻怨夕陽。家室方悲萍梗散。道途復遇虎牙張。驅將
楊腹填溝壑。鞭盡無衣泣露霜。鶴鳥云亡棠棣萎。同胞兩字使人傷。
白楊歷歷滿荒郊。新鬼號冤半素交。塚拜芟離心入刃。尸迎李固淚成蛟。生前

莫遂鋤奸願。死後還貽亂國嘲。功罪千秋評未定。艱難事業等閒拋。
支黃血戰事堪傷。劫後無由返故鄉。十日層樓九風雨。五更鼓角百淒涼。銷磨
髀肉羞看劍。落寞炎荒嘆處囊。蕉鹿依稀猶在夢。不堪重見海成桑。

雜詩

嚴寒逼山澤。蘭蕙墜其芳。朔風揚塵沙。鴟鴞正翱翔。矯矯行役子。道路阻且長。
雨雪復滂沱。滿目盡蒼涼。客遊無可樂。垂涕望故鄉。
陰霾翳陽景。寒雲吞樹林。茂草掩周道。淒風吹我襟。行邁多感傷。悽愴理素琴。
一彈再三歎。哀響入雲岑。世亂何所歸。黍離搖中心。
驅車國門外。步向山之陽。上有哀鳴雁。下有當道狼。城頭刁斗聲。冷冷送斜陽。
徘徊將何適。中心悽以傷。悲風來四野。淚下沾衣裳。
天地慘不仁。蒼生供芻狗。荊棘滿中原。麟鳳絕郊藪。江海日橫流。魑魅時騰醜。
世事等浮雲。富貴烏可久。何不隱林園。端居飲醇酒。

無題

桃。花。凝。媚。倚。牀。樓。曉。捲。珠。簾。半。上。鈎。碧。玉。年。華。傷。錦。瑟。盧。家。門。巷。枕。寒。流。一。春。
杏。雨。酣。閨。夢。百。轉。鶯。聲。訴。暮。愁。隔。斷。蓬。萊。渾。萬。里。天。涯。回。首。恨。難。休。
兩。美。容。顏。比。舜。華。沈。香。亭。北。倚。欄。斜。銀。河。萍。梗。常。無。定。碧。海。情。波。未。有。涯。難。倩。
瓊。章。爲。請。命。記。曾。秋。月。與。乘。槎。天。台。別。後。雲。山。渺。獨。向。江。南。泣。落。花。
露。冷。蓮。房。粉。墜。香。娥。皇。淚。剪。洞。庭。霜。雙。飛。畢。竟。成。孤。影。獨。處。憑。誰。點。淡。妝。春。去。
春。來。俱。幻。夢。花。開。花。落。總。荒。唐。舊。時。月。姊。今。黃。土。不。僅。傷。心。是。沈。郎。
月。華。樓。畔。記。吹。笙。心。鏤。雲。英。未。嫁。情。客。裏。河。山。揀。舊。恨。夢。中。蝴。蝶。悟。前。生。支。離。
塞。北。音。書。斷。飄。泊。江。南。劍。履。輕。滿。地。干。戈。風。雨。惡。遙。將。福。慧。祝。卿。卿。

與鐵厓伯剛殷晉長子旅居廈門同遊南普陀感賦

烽。火。東。南。變。乘。風。到。海。陬。鳳。鸞。窮。處。所。雲。鶴。此。羈。留。地。僻。龍。蛇。蟄。山。深。草。木。幽。
甘。泉。同。痛。飲。山後有甘泉一道爭持盃接飲爲。洗。亂。離。愁。

去國吟

天。溟。溟。雨。紛。紛。鳥。啼。蟲。泣。不。堪。聞。學。書。學。劍。今。何。用。對。此。飄。搖。國。土。心。如。焚。楚
弓。折。兮。斧。柯。爛。頑。鴟。惡。木。安。所。憚。桃。源。路。徑。不。可。尋。避。秦。無。地。空。長。歎。湖。海。蹉
跎。袖。逃。鞭。聞。雞。五。夜。不。成。眠。流。亡。莫。遂。澄。清。願。悽。然。痛。哭。春。風。前。君。不。見。黃。河
南。北。荆。榛。掩。又。不。見。大。江。南。北。風。波。險。中。原。到。處。不。可。居。何。如。挾。策。出。國。身。還
慊。立。馬。斯。須。別。親。友。離。情。又。觸。長。亭。柳。相。對。無。言。淚。暗。滋。揚。鞭。陌。上。重。回。首。落
紅。片。片。迷。征。程。萋。萋。芳。草。映。行。旌。浮。雲。蔽。日。龍。蛇。蟄。眼。中。時。局。如。棋。枰。吁。嗟。乎
富。貴。非。吾。好。故。鄉。不。可。留。扁。舟。飛。過。海。洋。數。萬。里。田。橫。島。上。勵。志。磨。戟。堪。悠。游。
傷。麟。嘆。鳳。復。奚。爲。摘。瓜。煮。豆。豈。足。悲。

秋懷八首并留別湘中諸友

楓。葉。蕭。蕭。序。正。秋。關。河。迢。遞。獨。南。遊。飛。飛。塞。雁。衝。烟。叫。漠。漠。蘆。花。帶。雨。愁。劍。舞
中。宵。餘。壯。志。水。傾。滄。海。看。橫。流。英。雄。逐。鹿。都。成。夢。聊。爲。神。州。一。倚。樓。

剩水殘山映驛樓。傷春未息轉傷秋。芙蓉露冷花無色。衡嶽風寒草不遘。一繫
飄零同杜老。九歌哀怨爲靈脩。戎衣珍重頻薰檢。相對無言淚忍收。
鏡裏頭顱幸尙妍。功虧填海怨年年。黃金揮盡空餘恨。長鈇歸來絕可憐。羅網
層加須自解。風雲浩蕩未堪眠。舉杯漫作消愁計。一飲悽然百感牽。

秋風懍懍襲予裳。虎豹九關蝮入荒。夢筆江淹驚別路。登樓王粲泣斜陽。妖傳
白帝無緣斬人倚。青萍漫自傷。惟有飛鴻是知己。長途相伴我翱翔。
長人千仞索人魂。欲駕玉蚪訴帝閭。繞樹無枝烏隱泣。啣泥何地燕依存。夜中
妖彗燄方盛。釜底勞薪火不溫。最是啾啾原上鬼。茫茫荆棘掩啼痕。

烹狗藏弓事可哀。看他海蜃結樓臺。頻從啄黍悲黃鳥。且向寒鑪泣死灰。莽莽
河山誰是主。中國名爲民主國其實民於國有主權否。奄奄萁豆苦相摧。國魂縹緲今安逝。帝遣巫

陽偷召回。

萬里歸家又別家。南風不競哭中華。千城狐鼠啼秋草。匝地烽烟逐晚霞。劫後

情懷清似鏡。憂來心緒亂如麻。行行却曲還悽惻。端恐迷陽夾道遮。
湖海蹉跎感歲華。滿腔秋思繫蒹葭。何堪湘浦傷離鷓。忍對杯盤數落花。千里
關山同此月。一帆風雨慣聞笳。吳頭楚尾重回首。眺盡寒蕪幾點鴉。

漢元詩選

陳家鼎字漢元湖南寧鄉人今錄詩十二首

洞庭湖舟中感唐希陶見贈原韻酬之

臨舟一笑楚雲開。韓信當年有釣臺。百戰驅胡成底事。洞庭波送我回來。
民權容易女權難。一葉危舟渡此關。姊妹欣逢巾幗長。英皇迎爾過君山。

哭劉敬庵朱松坪兩烈士

漢上風雲震天下。只今誰與憶前功。何當尋得劉朱墓。大哭當年兩鬼雄。
過後重經倍可哀。諸公長逝我歸來。傷心黃鶴樓前路。一去劉郎竟不回。
血雨腥風幾斷魂。八年前事怕重論。不堪再過高陞巷。宿草斜陽獨閉門。

登岳陽樓有感

自別湖山枉斷腸。多情雲樹迓歸航。縈縈。江海。今還棹。莽莽。乾坤。一縱觴。十載
亡人懷楚寶。三回狂醉羨純陽。洞庭湖上波如血。猶送餘生返故鄉。

麓山弔烈士墓並贈鈍初

萬丈風雲撼太虛。流光容易八年餘。子自事敗出可憐黃土埋忠骨。安得名山

著政書。予以憲法問題繁民國根本之存亡擬潛往麓山寺中今日若秦誰禦

虎國。謂俄常年微禹我其魚。謂禹烈士與予桃花源上波千尺。與爾偕歸作老漁。

宋鈍哥與予約時局稍定歸隱桃源

五月四日重遊萬牲園有痛宋鈍初老友即用鈍初去年九月招飲園中

粵春堂贈余元韻一首弔之

青山有約悲今昔。碧血同盟誓死生。百尺樓台知已痛。初一月十九長沙麓山

聯句贈我者予因刻此。十年滄海故人情。子與鈍初為十年來共患難交去歲

七字為小印紀念之。

識陳
驚座

放歌漁父今何處。啣石精禽事竟成。此日鬯春堂下路。不堪回首憶生平。

病中張紅玉來訪即題其箒

修路驅馳我馬隤。空山聽雨獨徘徊。坡庵鎮日無人到。惟有朝雲問病來。
宋玉魂歸不可招。江東人物莽蕭蕭。何當謝病携紅玉。同過西湖第幾橋。
雨後輕塵拂陌頭。夕陽歌管散新愁。香車寶馬多情甚。來叩深山百尺樓。

壬子舊曆九月廿七日寄禪大詩僧偕永光道階二禪師見訪余寓蒙贈

大偈原韻酬之

大地滄桑甚。詩僧亦老蒼。重逢八指日。回首十餘霜。我旬慚無已。賜句首云不見陳無已
君朋有永光。無餐供活佛。留與飲寒湯。

喜吳稚暉先生來訪夜談即贈

大道淪亡久。吾生重感傷。獨于吳季子。猶見魯靈光。京國迎司馬。羣英肅老龐。
每逢長者過。驟起視心香。

落木蕭蕭夜深山。訪病禪。開門成一笑。握手話三邊。二老江南至。謂段孟老同

十三先生五君天下賢。先生與溥泉精衛梅九石願隨雲外履。踏破萬山烟。臨孟老年六

定元詩選

陳家英字定元湖南寧鄉人今錄詩五首

寄家書

春來春去感蹉跎。秋雨秋風嘆病魔。怕寫茫茫家國恨。新詩不比昔年多。

秋夜次秀元三妹韻兼呈伯兄

夜起披衣感不禁。蟲聲唧唧曉鐘沉。神州斷送惟揮涕。時值中日協約成立滄海橫流獨

放吟。萬里思親游子夢。百年過客酒人心。眉山兄弟天涯別。應念慈帷老病侵。

次均和秀元三妹見寄

萬里關河一片霜。西樓征雁為誰忙。茅亭燕去知秋老。桐院蟲鳴覺夜涼。紅蓼

灘頭添畫景。黃花時節鬪山妝。故園不見又經歲。夢繞湖山過岳陽。岳州為南北戰爭重

兵所集北軍盤踞以來昔年
觴詠勝地今皆鞠爲茂艸矣

有懷秀元三妹北洋女師範卽次其均

眉山兄弟各天涯。負笈從師媿未加。桃李相思春宴樂。芭蕉心卷故園花。湖湘
詞祖推騷體。江左門才數謝家。記得燕雲烽火夜。舊游如夢說京華。復辟之亂
砲震京邸

屋瓦有聲余偕妹留考京校時護家慈出險
赴津再回都門往返京津重圍中日或數次

偕三妹泛舟用九畹齋史女士均

乘輿攬神州。飄然作快游。水環千里勝。煙鎖一湖秋。載景催蘭槳。尋詩過畫樓。
從今天上月。不復照離愁。末二借九
畹齋原句

秀元詩選

陳家慶字秀元湖南寧鄉人今錄詩四首

送天梅先生南旋并柬亞希社姊

河橋折柳倍淒然。飄泊雲萍各一天。遠樹夕陽紅似錦。新潮水氣黯如煙。名山

閉戶足千古。佳木成陰須十年。安得絳帷稱弟子。追隨遠道執吟鞭。

疊前均送姊自津返滬並寄伯兄粵東

河山劫後意淒然。喜說西南別有天。時局似麻家似葉。梨花如雪柳如煙。新詞錦繡爭千載。故國滄桑又一年。聞道嶺南風景好。歸來待與解吟鞭。

感湘亂作次韻

一炬咸陽三月火。無情湘水弔湘人。風瀟雨晦悲流徙。月慘霜淒感苦辛。夢裏聊存哀後感。客中只賸劫餘身。故園寥落成焦土。忍看年年海上春。

秋夜吟

棠影亭亭夜色寒。悄扶秋夢倚闌干。牽愁却爲風和雨。檢點嬌紅到漏殘。

洞庭詩選

李澄字字洞庭湖南岳陽人著有萬桑園詩集今錄詩五首

至鳳翔作

罷聽隴頭水。揚鞭指鳳翔。馬頭橫嶽色。雨脚儘殘陽。稼納郡原闢。藕栖湖水涼。良宵一尊酒。圓月在秋楊。

憶午湖

彭生於我足肝胆。奔走湖山涕淚多。遙憶夜鐙照孤憤。朔風吹冷洞庭波。

與大慈

檻外有花亭似舸。東風遠送大慈來。縱譚時事雨連夜。攜手洞庭春一杯。得句每能生我如。論交誰復似君才。掉頭不日去東海。忍令離愁日往回。

和大慈岳陽報社坐雨作卽以贈行

卅載逝川不回顧。相看辜負已多時。寒霖留客且須住。多難逢君轉恨遲。憂患提攜期遠大。乾坤黯澹燭文詞。君山如髮青天外。莫忘因風一寄詩。

病瘳得鈍安書稱連日游金焦北固惠麓并與吹萬樸安攝影惠麓聽松石

金焦北固舊經過。道遠其如惠麓何。煮茗泉聲喧病几。聽松石影附高歌。殘山
墮水自今古。名士美人多。坎壈某名士詩以金焦比名士美人。我亦好游稱健者。會攜長白度
黃河。

經輿詩選

李德羣字經輿湖南湘陰人今錄詩二首

紀夢二絕

一曲霓裳趁午風。玉簫金管徹珠宮。俄然數輩天魔舞。幻作桃花十丈紅。
扶搖九萬五雲高。夢境迷離也自豪。欲把鯤鵬擬蝶蝶。爭知燕雀在蓬蒿。
邁南詩選

駱鵬字邁南湖南湘陰人今錄詩四首

寄懷師農

莽莽江城十丈埃。憑欄遙睇白雲隈。風高尚有南飛雁。龍伏曾無啓蟄雷。

天教閒處著詩翁。十手傳鈔藻思雄。風月半廬消不盡。定分一半入詩筒。師農所居

號牛廬

元白卜鄰曾有約。太平身世渺難期。輪困肝膽河山淚。未忍消磨付酒卮。中廚旨蓄嘆無多。猶有壺殮佐嘯歌。閑與細君商食政。爲留玉糝待東坡。

旭芝詩選

方榮杲字旭芝湖南湘潭人今錄詩一首

題紅薇感舊記

章龍山色鬱奇秀。中有高人立靈鷲。自署紅薇居士名。酒酣時作雄獅吼。居士生來本逸才。才多更復種情胎。風流杜牧揚州夢。十里珠簾盡捲開。無端虐燄黯湘城。蛇影杯弓處處驚。投止無門張儉困。疇憐弱士苦宵征。那知俠義出平康。羞煞邯鄲擊劍郎。閉戶能防蜂蝶擾。枇杷門巷是仙荒。俠女芳名稱玉嬌。玲瓏嫵媚小蠻腰。能將慧眼看才子。慷慨悲歌慰寂寥。歌罷筵前酒數行。座中意

氣更低昂。任他謠詠。千般起酒綠。燈紅白玉堂。秣陵都說媚香樓。公子侯生爲
 淹留。爭似淥江紅拂女。騷人南國盡低頭。兼謂子須羽諸人如此風華如此景。宛然身
 在桃源境。十日五日歡娛多。忘却人間罡風猛。居士感之爲涕零。紅顏知己憶
 伶俜。爰將感舊從頭記。一瓣心香縷縷銘。佳人自古說多情。况復簫心劍氣橫。
 如此蛾眉天下重。教人那得不心傾。來書謂高柳鄭黃諸君皆有題詠

異卿詩選

黃堃字異卿湖南湘潭人今錄詩五首

鈍根寫余扇畢復寫贈一詩次韻答之

空外一聲至。永如鐘磬微。君喜談佛理使人妄倦萬緣皆我致。百歲亦形歸。心祇爭生死。
 行須耐是非。感君珍重意。莫遣志相違。

醉後有作

一飲卽大醉。茫茫四顧傾。了却千歲憂。憤懣幾時平。天地可易位。聖賢可無名。

舉世溷逐逐。無乃戕其生。不如空山老。陶然鐘磬聲。

夏夜雨後

一刷塵氛氣。心如水在瓶。斷雲超絕壑。微雨露孤星。簷際螢稀度。草間虫耐聽。聞愁千萬種。付與一燈青。

中秋南社雅集長沙烈士祠有贈陳佩忍兼示社中諸子

振世詞流陳佩忍。客中壇坫寄湖湘。一身如佛供灰劫。四海何人算酒狂。山水幾時成聚散。文章終古繫存亡。勒迴西日留鴻影。是日午後。猶拍照一次。莫使寒花笑我忙。

書懷

我是如來劫後身。從知世事一無真。好花過眼偏留恨。孤月當頭尙可鄰。國難豈能關運會。人心終苦耐清貧。他年會著蓑衣去。不向桃源再問津。

悔晦詩選

吳恭亨字悔晦湖南慈利人今錄詩九首

諸將五首

鬼責人非事可知。零陵一旅起參差。誰翻擾擾膠局。此號堂堂正正旗。無道共誅洪憲帝。有辭來會阪泉師。伏屍五步博孤注。爲話衡山苦鬪時。

永豐戰野矜驍果。寶慶連營賊潰奔。萬馬亂行敵倡走。一軍盡墨帝上帝無言。

記談好望風濤險。正及漁陽鞞鼓喧。逃帥紛紛汚節鉞。列城蕩蕩挾籬籬。

孤絕長沙彈一丸。到無政府乍悲觀。患方伏莽山多盜。逃總空城縣少官。水火

刀兵幾醞釀。賫糧屏屨百艱難。變憂肘腋禍眉睫。惡幣橫于人揭竿。

裂土稱雄各一方。無端兄弟鬩于牆。十閩去奪三軍帥。四蜀今成百戰場。壯馬

強兵互兒戲。同舟敵國始天亡。萁然豆泣相煎急。按劍都忘人在旁。

收京討賊幕沈沈。代將南來水毒淫。丞相自兼冀州牧。使臣肯澆尉佗金安琪。

兒偷降吾福司馬。昭終見汝心破壞多端。無建設河山滿。且涕彌襟。

得君復上海書却寄二首

已是不和無二策。卽和進步又如何。來書論時局語將風將雨天。疑壓非馬非驢事。總
訛挽日揮戈人。擾攘看山覓句我。蹉跎一鱗海上傳。書字碩果蒙泉願。望多
萬錢斗米人間世。臣朔侏儒同苦飢。凶歲大兵儼相接。長蛇封豕欲安歸。楮持
作幣民生苦盜化。爲官吏事非天地。側身身拾橡。杜陵妻子涕沾衣。

感時二首寄君復鈍菴

一家言論胡君復。四海聲名傅鈍菴。忽覺風雲賊眼底。各張旗鼓向江南。游山
歷歷詩堪霸。報載鈍菴游山詩甚多甚奇墮甌沈沈口不談。取子毀巢我窮矣。白頭憔悴在

江潭

載舟者水覆舟水。來日悠悠誠亦難。孰令致之紅恐怖。俄人號過激黨名詞環看送者白
衣冠。橫磨大劍紛孤注。敗局殘碁亂一盤。攘臂陳東乍痛哭。不風海亦沸波瀾。

卷一終

南社叢選

詩選卷二

涇縣胡韞玉樸安選錄

漁父詩選

宋教仁字漁父湖南桃源人今錄詩八首

武昌七夕

異鄉佳節倍魂銷。北斗橫天影欲遙。遙憶故園小兒女。應隨阿母望河橋。

晚泊梁子湖

日落浦風急。天低野樹昏。孤舟依淺渚。秋月照征人。家國嗟何在。乾坤渺一身。夜闌不成寐。撫劍獨愴神。

思家

去國已三載。思家又一秋。親憂知白髮。閨怨定蓬頭。禹域腥膻滿。天涯道路悠。有家歸未得。期待滅仇讎。

秋曉

旅夜難成寐。起坐獨傍徨。月落千山曉。雞鳴萬瓦霜。思家嫌夢短。苦病覺更長。徒有枕戈志。飄零只自傷。

哭鑄三盡節黃崗

孤月殘雲了一生。無情天地恨何平。常山節烈終呼賊。崖海風波失援兵。特爲兩間留正氣。空教千古說忠名。傷心漢室終難復。血染杜鵑淚有聲。海天杯酒弔先生。時勢如斯感靡平。不幸文山難救國。多才武穆竟知兵。卅年片夢成長別。萬古千秋得有名。恨未從軍輕一擲。頭顱無價哭無聲。

發漢口寄陳漢元長沙

曉色侵江白。輕舟發夏陽。潮聲隨岸遠。山勢送人忙。大地風雲鬱。長途霜雪降。悠悠此行役。何處是瀟湘。

登韜光絕頂

日出雪磴滑。山枯林葉空。徐尋屈曲徑。竟上最高峯。村市沈雲底。江帆走樹中。海門潮正湧。我欲挽強弓。

伯純詩選

張通典字伯純湖南湘鄉人今錄文五首

秋柳用漁洋韻

萬方秋氣盪吟魂。不舞西風隱白門。洛里羞稱新鬢樣。章台遽減舊腰痕。半林殘月啼寒鳥。一水斜陽淡遠村。記取曲江衙吏退。數奇攀折與誰論。楓葉江寒雁叫霜。感時遺恨滿橫塘。吟秋風入桓伊笛。詠絮詩存謝女箱。但見征驂催漢使。祇今瘦蝶畫滕王。瀟瀟暮雨吳娘老。把酒空尋碎錦坊。回首東風綠染衣。遠山眉黛是耶非。亞夫功大營難問。蘇小門寒夢亦稀。流水六朝鴉幾點。暮雲千里雁初飛。先生玩世垂垂老。青眼何人願總違。嬾折腰肢肯乞憐。看他金縷畫凌煙。東皇望斷仍疏散。南國情深亦邈綿。搖落

桓温悲晚歲。風流張緒憶當年。穆穆塞外紅如錦。尚有餘光照九邊。

舜水先生祠落成敬賦

天運有廢興。人心定趨向。崇德祠遺民。懷古得嘉尚。矯矯朱文恭。諡文恭卓爾人

倫望。國亡志復讎。艱危老益壯。乞師偕梨洲。敢為義聲唱。建虜爾何來。舟中斥

邪妄。大節追文山。浮海衝毒瘴。六渡羈扶桑。先生前後六渡日本奇策懷傲儻。自甘餓首

陽。薇蕨猶可餉。教思固無窮。當仁信不讓。明心致良知。斯文幸未喪。光復矢至

誠。曷嘗須臾忘。飲泣十七年。陽九述悽愴。先生有陽九述略孤忠籲皇天。回日情已諒。

百折終不移。蒼水洵瑜亮。浙人有二水先生合祠之議弔古湘纍哀。誤血胥門浪。晚年常咳血所南

心史存。有文集二十八卷瑞龍名山葬。墓在日本茨城縣瑞龍山之麓民族義克昌。民國遂新剏。還我

舊山河。腥膻快掃蕩。九原知有靈。孤懷自此暢。先漢思鄉賢。飛臺忽殊狀。友邦

慰觀瞻。故土欣倚傍。吁嗟大義乖。歧路迷千障。俎豆奉典刑。力與頽俗抗。庶幾

挽橫流。毋自欺。為上心理推大同。東亞開絳帳。明治啓維新。儒劾兼霸王。薪火

傳姚江遺書俟博訪。獨立崇祠堂。羣彥如願償。謂舜水學社諸君致用經術昌。學以有

先生深懲乎學非所用注重實行不爲性理空談而究心致知格物之功禮樂刑政之用其學說與孫夏峯顏習齋合德川義公以爲真經世之學今日學者所宜取法也

正俗淫詞放知恥反本心吾道景宗匠遙遙嗣清徽士學供依仰

默君詩選

張昭漢字默君湖南湘鄉人今錄詩三十首

擬王右丞青溪
携竿坐磐石。愛此青溪水。色映眉宇間。聲咽松篁裏。泛泛鷗影閒。翻翻菱荇紫。相對自忘機。豈羨鱸魚美。

擬孟浩然夏日南亭懷辛大

蟾光掛簾端。清輝澹軒几。倚檻乘夕涼。裊裊微風起。跳珠荷露滴。香染羅襦紫。携琴復長歌。譜入金徽裏。清游樂何許。黽勉懷之子。

中秋玩月

游賞極佳節。愛此風景穆。兔影生嬋娟。華彩澹林木。遙應廣寒宴。歌舞鏘瑠球。想像瓊樓寒。嫦娥怯冰縠。清輝共萬里。佳賞各所執。桂子飄天香。添詩人吟軸。

金陵秋夜夢與瓊玉表妹話舊

長空叫秋雁。涓涓風露清。之子嫻忽來。相見喜且驚。千里何由越。無乃感至誠。倩粧倚淡服。欲語復吞聲。君含失怙悲。我感別離情。西窗剪銀燭。把臂話平生。奚由見顏色。屋梁空月明。

隱居

謹謝塵機遞海門。盈盈一水帶孤村。書鐙掩映劍光冷。梵韻清涼泉瀾喧。翠竹繞廬矜晚節。黃花三徑爽秋魂。茫茫濁世浮沈後。差幸平生道尚存。幽壑深山靜掩門。塵埃不到白雲村。怡情那管紅羊劫。高臥閒聽玄鶴喧。萬樹梅花憐傲骨。一輪明月悟吟魂。此間堪說忘憂地。不復襟前涕淚存。

久別瓊玉表妹賦此誌懷

烟。柳。靄。和。春。澹。沱。滿。清。矚。攀。條。思。幾。許。姍。姍。不。盈。掬。悵。懷。絕。代。子。持。贈。意。重。屬。
邇。來。湘。水。濱。舊。痕。定。新。綠。何。當。感。離。別。爲。疊。陽。關。曲。詩。思。雜。離。情。宛。如。中。醺。醪。
蘭。橈。若。有。因。舊。遊。應。可。續。

次韻寄三妹

伊。人。隔。湘。水。鴻。雁。來。何。遲。荏。苒。經。三。載。惻。惻。長。相。思。人。生。若。離。別。此。意。君。同。知。
江。南。春。雨。寒。國。危。不。勝。悲。維。新。懷。舊。事。獨。似。夢。同。時。黽。勉。崇。令。德。與。君。長。賦。詩。
荷。亭。坐。雨

水。榭。迎。涼。早。憑。軒。爽。氣。多。吟。風。數。竿。竹。喧。雨。一。池。荷。剪。剪。紅。襟。濕。生。生。翠。羽。過。
香。添。波。一。脈。相。對。動。吟。哦。

午夏偶成

蟬。紗。新。透。菱。荷。香。窈。窕。文。牕。詩。夢。長。滿。徑。綠。陰。花。卓。午。不。知。爲。蝶。亦。爲。莊。

七夕

雙星抱恨渡銀河。淚灑長空秋露多。天上人間癡最苦。盍將慧劍斬情魔。

修竹

瀟灑臨風處。士門天寒翠袖最銷魂。堅貞獨抱羞春木。古節無彫。悟風根。秋氣搖天霜寫影。月波滿地夢留痕。此君清絕難諧俗。避世相期。老是村。

癸丑暮秋借璧子漫游長江歌以紀事

西風捲地凌清秋。良朋共作長江游。蒼茫一氣江海合。湧出明月金波流。波光如練涵烟樹。嬋娟坐對吟連曙。雲端一雁何翱翔。怒濤滾滾吞愁去。寒翠染衣山媚人。怪石獨立奇嶙峋。羲皇上人入高望。已覺胸中無漢秦。金焦兩點翻銀雪。駐馬坡前晚潮明。潤州靈秀已銷磨。空聞鶴唳思英傑。過京口弔趙君伯先龍蟠虎踞今其休。暮暮愁雲鎖石頭。嗟作亦是傷心客。劫後奚堪認舊游。白骨縱橫凝曉露。冤魂淒斷垂楊路。子山沉痛哀江南。愴然神往蕪城賦。觀秣陵兵燹後慘狀不禁悲慨安得鳩江結茅廬。一蓑烟雨隱樵漁。赭山徘徊未忍去。緬懷桃李多令譽。赭山之巖皖江中學

在焉七載前。家君監督是校前。
歲光復校中學子多所建樹。
劍氣珠光迷遠阜。殘照梟姬祠。柳樹上神鴉。

三四鳴似說荊州。本漢有孫夫人祠。
陳子不讓元龍豪。對酒狂歌持紫螯。三

斗既乾呼余飲。吾為一笑傾葡萄。半觴未盡輒酩酊。冷冷濤聲敲醉枕。黃花窺

帳夢微馨。詩魂飛逐片帆影。
舟泊蕪湖時有以青蟹瑯體見錦者壁子同豪於浮自余少飲帆復頽然就榻天曙榻畔菊蕊清芬

猶襲殘蟾和夢渡。鄱陽萬山木落悲肅霜。蘭芳菊秀盛羣彥。懷佳人兮天一方。

憶神州協濟社。諸子長江天塹數湖口。馬當殺氣衝牛斗。忍將成敗論英賢。臨風猶聞龍

虎吼。
謂贛軍之役陣雲黯黯畫角悲。夜深江底泣蛟螭。可憐不遇風雷險。父老安知

日月慈。
贛民既為北軍蹂躪乃追懷民軍之厚響窮彭澤雁聲惻。怪底淵明歸思迫。凭肩有友讀

陶詩古道依然照顏色。
過彭澤時出饒中淵明集與壁子共讀之周郎雄略邁千古。小喬奇福天應

妬。吁嗟瑜亮竟同時。將星搖落柴桑渚。涼颼蕭蕭薰荻鳴。彷彿琵琶鳴咽聲。天

涯幾輩不淪落。痴絕香山淚雨傾。人生何苦多憂憤。吾道無窮世無盡。本為游

戲來紅塵。且看沙磯鷗夢穩。秋光如畫螺黛新。凌波約綽雙洛神。組練橫江奪

高壘彭郎繼武今無人過小紫嶂壁空籠薄霧芙蓉萬朵猶森佈別後十年繫

我思真面如何不輕露是日廬山微霧醉霜紅葉楓婆娑想見五老仙顏酩酊然倒持

綠玉杖白雲深處訪松阿沈沙鐵戟迷荒草赤壁雄圖動懷抱坡公當日苦低

徊為有江山助文藻險阻艱難固飽諳茫茫世事幻華曇人間興廢渾莫管優

游物外為詩耽滄桑半壁山容改劇憐黃鶴依然在夕陽激灑鸚鵡洲晴川倒

影紫烟裏渡江擊楫登危樓黃鶴一去空悠悠大江淘盡英雄影祇應袖手看

神州古人論交恩義重徒倚琴臺有餘痛知音既遇忽云亡衆生徒為造物弄

萬緣叢中打槳來洞天初涉絕纖埃頽垣敗址胡堪問忍令仙踪付劫灰漢陽有伯

牙古琴臺前歲戰役亭榭多頽毀漢皋豈是清涼地雲鶴閒閒不屑意拂袖翩然告倦游暮山

遙指天浮翠雲夢八九胸中吞水天一色盪吟魂畫境入詩詩即畫隔江妙觀

峯巒奔又向名湖呼小艇踏碎琉璃碧萬頃芙蓉憔悴餘清芬藕絲織得秋無

縫一亭孤立烟雨中雙劍橫磨水上風老僧笑問來何處答以逍遙覓赤松途歸

經九江復駕小艇遊甘棠湖又名雙劍湖中有煙雨亭風景清寂形勢無常世運轉在德在險須微辨十日歸來意與除揮毫落紙雲濤捲

甲寅春西湖小麥嶺弔吳子一粟即孝女墓

斜日澹孤嶺微風生夕寒桃花紅雨飛依稀血淚斑藁草萋以綠葳蕤護一棺

棺中伊何人哀我平生歡高風宛然在音容不可攀插芳置君前余摘襟際白玫瑰一枝插

慕上聊致哀忱長慟摧肺肝憶昔初相見黃浦江漫漫吾道特孤峻愧君濡嫩翰余就

學申江子自武林來擬入啓明女學乃先訪余既見甚歡數數過從一日與論世風日漓救國必自培養民德始子深體之歸而作筆記用志弗諼云吳

會同讀書戊申復同契好骨肉殷賞奇與析疑孜孜忘夜闌女龍久沈睡唯子

雄文壇子文學懋美為當揮毫泣鬼神拔劍星辰寒既俠亦清狂取予廉復寬

可園重把臂流水為再彈臨別各歎歎焉知會合艱滄浪寒且深奚以量悲酸

辛亥冬吳中光復後余辦江蘇大漢報于滄浪亭畔可園會子來自滬余留助筆政子慨然諾乃倉卒歸丁家務未幾難作子遂以身殉父母悲夫遺書

餘古馨千回帶淚看木高虞風折岸出傷流湍芥艾今載途安容蕙與蘭隕茲

南。風。集。卷。一。
邦。秀。天。意。胡。凶。殘。共。和。興。復。墮。三。尺。土。未。乾。萍。絮。幻。滄。桑。日。月。驚。跳。丸。彭。殤。
齊。壽。天。宇。宙。一。夢。觀。人。生。誰。弗。死。死。於。孝。已。難。孤。貞。貫。金。石。愚。誠。勵。俗。端。民。德。
劇。澆。漓。斯。人。節。獨。完。五。濁。安。可。居。高。遜。雲。之。端。神。與。太。玄。合。浩。氣。搖。江。巒。東。望。
武。穆。墳。血。碧。映。心。丹。忠。孝。共。千。秋。虛。靈。遙。往。還。香。瘞。忠。孝。骨。不。負。好。湖。山。萬。劫。
吾。猶。在。俛。你。百。憂。攢。一。舸。凌。滄。茫。來。訪。西。子。鬢。景。光。忍。留。連。弔。君。蒼。莽。問。低。徊。
不。能。去。撫。昔。成。永。歎。一。暝。萬。事。足。何。由。追。素。鸞。淡。泊。無。營。欲。傲。骨。差。堅。頑。唯。願。
從。赤。松。談。經。深。閉。關。

悼遜初先生

衰。衰。時。賢。競。厭。貧。本。來。面。目。獨。斯。人。爭。傳。漁。父。終。興。漢。忍。說。桃。源。可。避。秦。養。虎。
而。今。貽。禍。患。傷。麟。千。古。共。酸。辛。碑。前。淚。跡。紅。如。血。遺。愛。從。知。在。國。民。

秋夜書感

天。胡。此。醉。拚。高。臥。風。送。秋。聲。到。枕。寒。黯。黯。紅。塵。求。死。易。茫。茫。碧。海。滌。愁。難。花。魂。

慘澹香彌永。劍影依稀血未乾。大好河山已如此。甯能不作夢中看。

甲寅春悼漁父太一

莽蕩河山剩劫灰。蟲沙猿鶴警春雷。東南王氣銷磨盡。西北風雲鬱不開。甯戚墓前芳草長。賈生祠畔夕陽催。桃源漁父今何在。誰爲招魂賦大哀。

春雨

簾外。瀉瀉。欲。斷。腸。屐。痕。新。染。落。花。香。一。篙。桃。漲。紅。連。野。九。畹。蘭。烟。翠。裊。裳。吟。竹。吟。蕉。書。恨。永。如。絲。如。霧。織。愁。忙。闌。珊。春。事。翻。成。夢。瘦。絕。詩。魂。到。綠。楊。

春痕

憔悴。靈。均。意。不。支。獨。攜。危。涕。倒。瓊。卮。啼。殘。杜。宇。血。猶。淚。夢。入。瀟。湘。綠。可。知。燕。剪。漪。光。留。倩。影。雨。絲。風。片。寫。幽。思。氤。氳。一。脈。渾。無。跡。惟。覺。人。間。萬。物。滋。

絕句十二首和先君韻

閱此閱閱眼亦慵。生無媚骨肯求容。讀書養性兼耕種。吾道猶堪制毒龍。

芝蘭湘浦澹孤芳。恥與凡葩競豔忙。刊落聲華學心隱。高吟何必羨南陽。
亂世全真頗自豪。而今道義等鴻毛。軟紅十丈誰堪友。忍說交情脫寶刀。
桑田滄海是尋常。莽蕩乾坤正氣藏。竹杖芒鞋任所適。朝游靈隱暮韜光。
孤枕耿耿未消磨。滿目瘡痍可奈何。試問四年新政好。大江南北淚痕多。
豎子當然不足謀。奚驚禍水已狂流。太阿倒執伊誰咎。唯在天民善反求。
當今濟濟洵多士。幾許文妖雜莽夫。竟爲一家枯萬骨。祖龍錯認是公奴。
福田苦海總非真。慨息游魚戀翠綸。朝菌蟪蛄齊浩劫。不經艱難不爲人。
弄舟吾欲五湖去。不遘唐虞嗟鳳麟。陽虎偏能笑尼聖。千夫所指又何人。
課倦閒觀出岫雲。萬山無語對斜曛。白衣蒼狗胡堪問。持定天君自解分。
安貧樂道眞佳士。季世何當有雋才。俠骨柔腸收拾起。與天沉醉笑懷開。
世運遷移固靡常。雙懸日月道心藏。七哀五噫咸非遠。珍重隨時愛景光。

龔爾位字醉盒湖南湘鄉人今錄文十三首

懷人五首

大雅久衰歇。黍離成國風。茫茫數千載。微言亦云終。不期傅氏子。獨悲王道窮。賦詩以託諷。欲用迴癡聾。忽焉開妙悟。遁迹空門中。萬緣俱寂滅。心境何玲瓏。嬌首而潛尾。將無神龍同。鈍根

醴陵有高士。飄然物外身。不食安期棗。偏與列仙隣。奇想發幽邃。曲高妙入神。昂頭顧宇宙。飲酒盡千巡。漢主莫能遣。靈妃不得臣。結廬在窮谷。瀟灑出凡塵。出塵豈偶然。所樂自有真。夢蘧

高風慕懷葛。秉性在巖阿。世俗皆尙同。所守獨殊科。偶來湘江畔。濯纓臨清波。湖山妙無極。雲氣相盪摩。澹然與之化。白日忘蹉跎。長嘯入幽谷。滿腹含天和。旭芝

麓山古名勝。客有同優游。託懷何高潔。吟咏邁時流。日夕動清興。携酒登蜃樓。

牙曠響高徽。潛淵出。輕儵斯樂。苦難常。一棹曲江頭。蜀道不辭險。捷足馳驂。魚雁未能達。使我心悠悠。蔚蒸

羚羊

山

獨神秀。高聳入雲烟。四時吐奇氣。芝草生閒田。中有固窮士。盡日枕書

眠。一朝棄之去。往還百粵邊。誓欲雪國恥。英風凜霜天。古劍時一鳴。萬籟俱寂然。人生各有志。豈無山水緣。浩如

己酉三月送春麓山作

春來若有踪。春去原無跡。年年相送迎。一如遠行客。人生亦復爾。奚事重歎惜。擾攘塵世間。徒然爲形役。榮辱亂其心。悲歡奪其魄。窮年而不已。鬢髮忽焉白。一朝委泥土。俯仰竟何獲。以此達觀者。視之如朝夕。悠悠南山雲。去來常自適。浹旬苦風雨。閉戶不知春。今日送春去。春亦爲酸辛。衆綠慘無言。百花嬌欲墜。泉鳴深澗裏。相應發哀呻。隔江有高士。脫然世外身。提壺沽美酒。來我古渡濱。相携登絕巘。餞此艷陽辰。譜以相思字。潑墨留天真。盡日看不足。一卷藏其神。

歸來。開樽飲。千鍾未辭貧。談笑小宇宙。擬爲葛天民。

聞韓事有感和鈍根韻

仲運去後英風息。無復衣冠見漢家。一片降幡滄海靜。千年碧血夕陽斜。鶴歸應起山河感。狐死空傳鬢髮華。來日潮流愈澎湃。怕看大地走兵車。

春興

平蕪芳草正萋萋。隔岸垂楊已拂堤。好趁新晴乘健馬。百花叢裏聽鶯啼。

古意二首

秋月何娟娟。照人窗與戶。秋蟲何唧唧。終夜自勞苦。唧唧可奈何。娟娟照今古。烈士忘死生。光陰分冷暖。人匪生而知。安得事疏懶。窮達何足云。聊復惜日短。開歲述懷用淵明遊斜川韻示鈍公

日月轉輪至。天行無時休。良辰動衆歡。驅車恣遨遊。矧予獨何人。而不與同流。顧彼百年內。飄忽若浮鷗。隨遇已云安。豈必尋丹邱。歲新人惟舊。抗言多良儔。

嘉會難常得。既飲還唱酬。他事非所期。但知有酒不飢寒。縱我驅未足。增煩憂。苟爲熱中者。何妨執鞭求。

鈍公既和余開歲感懷詩復次韻答之

柔腸百轉煎憂患。可奈敲殘臘鼓聲。吾道欲窮終鳳隱。斯人不出怪雷鳴。春歸大地胡塵滿。馬立吳山劍氣橫。畢竟興亡誰負責。匹夫似我亦多情。

己酉九日麓山待鈍庵不至書寄用淵明九日閒居韻

昏人累塵想。服食不長生。淵明臥叢菊。欲隱偏留名。吾亦愛邱山。寸心未能明。清商發林際。颯颯動秋聲。哀彼澗邊草。莫抵孤松齡。伊人隔秋水。濁醪期共傾。呼僮掃蘿徑。脫然忘枯榮。日夕而不至。焦桐起離情。世事豈其然。嘉會多難成。

情詩次鈍庵韻

依依堂前柳。瑩瑩窗下雪。記得初相逢。兩情明如月。幽歡未終極。不謂遠離別。彼美無還期。念此鬱難說。折柳著相思。對雪懷高潔。悠悠阻風波。轉欲妒鶻鶩。

覽鏡長太息。迴盡中腸血。欲濟河無梁。會將成永訣。永訣可奈何。孤影隨幽屨。終夜不能寐。憂思同膠結。

隼庵詩選

龔騫字隼庵湖南湘鄉人今錄詩二十二首

無題

百華寶髻九華裙。深巷枇杷日易曛。汗重有馨終釀雨。酒酣餘氣散爲雲。門前燕子猶無恙。江上梅花未忍聞。閒倚欄干頻覽影。玉環肥瘦不曾分。

東風何處是平原。襟上啼痕印酒痕。玉漏有聲沈畫角。金釵無計叩重門。湘蘭
豐芷繁吟夢。柳絮梅花繫別魂。鄰舫夜深歌白紵。拚將紅淚寄瑤尊。

當筵不見紫髯仙。錦字音書疊疊傳。電影射簾原一笑。劍光逼坐已三年。背人
偷自屢嬰武。換酒何須倩麗娟。不用更彈金縷曲。絳綃如霧玉如煙。

箏琶重過別家樓。何用憐儂字莫愁。紈扇雲山才著畫。綺窗簾枕未宜秋。爐煙

乍出琴三弄。人影歌空月一樓。不是人間花信早。又隨清夢看吳鉤。

九秋詩有序

己亥秋月旅寓長沙。將理舟楫東歸湘上。蒲柳之姿風摧殆。謝幽憂之疾鬱久未痊。過馬氏之芳園。訪屈原之故宅。黃陵枯竹碧浪。衰蕖時移。境嬾俱愴。於魂余援管觸悲。撫膺流涕。一夕之內。神遊萬里。披衣起坐。唯餘孤影。尋汝詠歌。偶成良夜。追憶年來。欲渡東海。病不能行。擬覓西湖。貧猶未去。重重湘水。渺渺余懷。倚秋茹痛。痛不可支。嗟乎寒露未晞。濕雲不去。一圓涼月。偏墜於西風。萬樹鳴蟬。俱咽於落日。孤雁一聲。殘菊數叢。感覽行塗。吁其悲矣。輒裁七言。著爲九詠。並貽來哲。相與感喟。綺羅如幕。覆衣黃。流蘇四角。生輝光。中夜美人愁不寐。墜鬢間翦鬱金香。錦絲臥織雙珠履。赤鱗片片生秋水。願共仙人海上飛。休隨帝子巫陽死。聽殘機石望天孫。瓊窗綺疏六宮昏。天涯何處無歸夢。望望蒼梧一段魂。秋雲

寒雞三號猶未眠。城頭清角吹曉烟。絡緯滿階苦蕭瑟。四山黃落無人憐。梧桐
葉墜秋無語。夜半遊魂在何許。柳絲蕩空菊入帷。颯颯宮響傳花杵。金鈴搖斷
粉函欵。湘簾夜壓玉蠅飛。漏深素練搗離離。錦帆一片望南歸。秋風
金砌無人玉漏沈。夕陽院落多淒音。靈均含冤駱丞老。寒風蕭蕭生暮陰。華鐙
霏凝鬢影薄。愁鬢夜夜起幽閣。冰縑剪斷不逢人。羽衣垂雲淚間落。隔枕秋聲
下殘谿。斷槐衰柳樓角西。黃昏獨客嫌怨淺。聽斷蟬響聞鴉啼。秋蟬
瑤階清寂涼意微。明珠夜寒金縷衣。瓊漿欲飲天風起。疎桐垂陰濕簾幃。夜深
偷漬絳綃淚。幽館無人破濃睡。寂寂芳華長自顰。銀鈎曉壓殘脂墮。別渚芙蓉
花未開。金尊閒坐離纖埃。薄受微颺看珠瀉。蕊宮誰遣夢魂來。秋露
綺窗獨坐香沈酒。金鴨無煙道書朽。娥娥朱粉自翩妍。思君勞贈縷金鈿。樓頭
夜半鳴箏起。步步塵飛金薄履。卻下精簾抱瑟彈。梨花院落涼如水。廣寒消息
斷深閨。玉輪乍轉朱繩低。望望餘輝惜妾意。閒裁團扇翦金泥。秋月

鯉魚風緊。蘆花起。漁笛閒吹。聲不止。柔艣衝寒鷗。暮飛蒹葭幽。思無窮。已孤篷
卷浪夜如何。洞庭木落生微波。長天無鴻斷來訊。自禱西風吹夢過。坐看寒潮
滿前渡。櫂歌隱隱隔津樹。綺閣層城秋夜長。明朝問訊湖邊路。秋水

九微鐙火擁朱樓。蕪臺廢幕風蕭颯。幽魂四飛。宵如夢。蹙金屑。屑飛當頭。豆花
籬落寒星墜。粉淚偏愁滿芳甸。孤村柝響徹宵寒。殘輝欲下梧桐院。錦囊何事
徵不來。門前約蕊深淺開。華館無人阻芳訊。洛陽宮殿生塵埃。秋螢

西風簸簸雁南翔。樺燭張堂夜未央。葦簾怨瑟雜。悽響遼陽路。遠空斷腸。稻梁
無多飢。爛苦寒夜哀鳴下。湘渚祇幸橫天無網羅。安得健翼凌風舉。漁歌入夢
天蕩搖欲飛不飛。知天高尺書問訊。衡陽道蘆花淺水寒。嚶嚶。秋雁

垂垂倭髻明鐙前。餘姿寒映影。嬋娟籬旁金絡花。繁淺寒瘦徒勞減。瑟絃清秋
池館長相憶。五柳園荒莽荆棘。舊時綠綺今猶存。遺響頻聞淚霑臆。湄江鄉夢
思依依。涼葉滿階清露晞。曉起臨花三歎息。田園將蕪胡不歸。秋菊

獨游

獨游信渺。驩萬響集深谷。竟遠意蕭然。朔風吹落木。疏籬寂無人。繁霜悴逸菊。初月出高枝。寒烟生澗竹。孤雁飛復鳴。衰柳折盈掬。索寞夜歸來。燈光引匡屋。委懷如可期。暫勿傷僕僕。

古風八首

廢處田園隸事吟。咏喧寂無心。蓬蒿自晦離離尊。酒斝夕所資。悲驩靡託率爾成篇。

黃沙萬里塞雲飛。錦幔紗幬朔風吹。瓊瑤莫報還自期。銅盤膩燭香霧玻。深夜起坐彌歎息。鄰窗簫管聲參差。何事歡心滯遠道。幽意庭階長綠草。碧海青天魂夢遙。長歌空對月皓皓。胡兒夜騎鐵驄出。雪花如掌怒目叱。蘆管數聲蠻瘴開。沙壙無人鬼吹篳。歸來挾矢上高堂。揮袂倉皇血滿膝。邊城紛擾安足言。籲天拜乞長生術。

洛陽十五小兒女。生長深宮倚羅綺。鬢髮如雲歌舞新。一朝擁入天顏喜。簾外
縱多買笑錢。轡旁猶憶承恩旨。妍麗卒傷衰。落時鈿蟬金雁竟。何恃人生驩愛
不可常。何如孤桐憔悴死。

雲中舊有仙人掌。皎皎月明春露上。千年怪石何崔嵬。弔古人來一悵惘。可憐
金碧剩却灰。欲辨花紋已宿莽。吁嗟盛兮不可長。秋樹寒蟬成悽響。莫彈長鋏
學馮煖。願着短衣隨李廣。

洞庭之南黃陵廟。湘瑟年年成悲調。千載夔馯月下聞。汨羅江上山鬼嘯。予處
幽篁不見天。委身猶待承明詔。一卷離騷浩蕩吟。忠魂那有燐螢耀。落日漫歌
漁父詞。獨立寒江自垂釣。

冥冥雙雁俱北飛。噉噉音響一何悲。我欲隨之無羽翼。靡靡宇宙將安極。昨宵
夢墮麓山巔。湘花湘草長相憶。薄暮衡雲歸未歸。望斷家書淚霑臆。廟前斑竹
鷓鴣啼。秋雨銅駝莽荆棘。

遙天蕭瑟絡緯哀。欲翦寒衣深夜裁。綺窗刀尺無人見。秋雨堂堦生莓苔。何事音書阻。關塞祇憐妾。意寄瓊瑰曉。起花前待消息。金泥蛺蝶上衣來。趙家女兒擲鳴琴。寂寂慣作別離音。舞衣未縫雙鬢亂。流黃夜織深復深。揮絃一弄關山月。哀調愁聲那肯歇。浮生驪少恩不多。宛轉爲君步羅襪。

介夫詩選

譚作民字介夫湖南湘鄉人今錄詩七首

滬甯遇險風傳被殺作此自遣

噩耗遙傳楚國風。却慚神武射潮弓。青山作壁天如屋。白鐵爲筋骨。亦銅出入。秋冬春夏氣。往來四萬八千蟲。鏡中自詡頭顱好。拔劍猶堪一世雄。

疊前韻一首

萬古千秋底事空。竭來蛇影亂杯弓。三生風雨沈頑石。季世人才葬臭銅。春樹欣欣棲壁虎。江潮滾滾簇沙蟲。是非不待桐棺定。生作詩豪鬼亦雄。

噩夢

飛廉馳渴鳥駛。六合惛。蒼萬山紫。霹靂一聲。天地愁。水波羣起。蛟鼉死。驅塵走石。日月沈。履虎跨虹。雙足冷。自諱青蒼。罔極曩昔。靡所經。造託三千大千世界。任遊騁。手接靈熬。泰華搖維。傾柱折角。露餘蓋軫。兩腋忽生翅。如鵬扶搏。直達昆侖。頂餐沙棠。飲沆瀣。幽途神房。上清界。云是太極無極。陰陽未朕。自東來。百靈萬鬼。俛伏爭羅拜。忽然山崩海裂。啓天闔。黃帝穆王。相郊迎。隨詔肩吾。檄九部。木公金母。首駢臻。黑赤水分。江河湧。投壺爛醉。自矜寵。尊收凜命。舞節旄。挺鉞立斬。蠻蠻徹。兼跂踵。策府平夷。石室開。玉版萬穀。相供奉。舉足又入化人宮。屈指太一。與秦鴻。賚草白水。得裹腹。駟蚪乘鸞。溘埃風。飲馬咸池。路修阻。天階縹緜。瀛海紅蓬萊。仙子傳笑語。金銀宮闕。童男女。巨棗不實。空開花。徐福至今他人父。十洲長魚化爲龍。崛起作東道。主波翻浪。沸暘谷。迷田橫。五百淚如雨。悔不當初。寄海據三山。飄颻仍貯芙蓉府。予乍聞之。雙睫紅。高祖晚年歌。

大風神州赤縣殊。今昔夏非我。夏冬非冬。欲將滄海桑田更輪轉。隆周皇漢間。世雄又願不周再觸東南折。昂頭錐鑿效共工。一時萬衆各雷動。鼓掌歡呼似蠡擁振臂。一揮心膽豪十萬橫磨習陽勇。遽然奮醒一大夢。手挽東海洗眼孔。

丁未黃海舟中感賦二首

波譎濤翻四壁傾。長風萬里挾舟行。雲霞飛舞迷金闕。星斗迴旋拱玉京。木石誰填精衛恨。蓬瀛孰解少君程。田橫縱跡杳如此。大嚼思吞海底鯨。血雨腥風撲面來。撫今思昔更徘徊。皇輿有界捐禪海。帝國無人失霸才。百代藩封成鬼域。十年戎首付爐灰。雲烟慘淡愁天地。一劍橫空碎舞臺。

踏青登龍華塔

百五循環氣候新。龍華絕頂俯城闈。千村萬戶除烟火。臘水殘山媚鬼神。風日無邊平野闊。波濤有限大江曠。雲深懶作庾郎賦。花樣飛來獨出塵。

秋感

茫茫宇宙竟生余。頽覽神州氣不舒。劍底春秋忙鬼域。書中涕淚飲蟲魚。身居海上詩差勝。時到秋深病有餘。再看山川無限好。心隨斜日繞清虛。

屯良詩選

傅專字屯良號君劍湖南醴陵人今錄詩一百二首

閣夜

高閣燈殘夜悄然。澄江如練水連天。不堪細數人間事。菡萏香消柳作絲。百無聊賴作詞人。儘許間愁集一身。只是悲秋太蕭瑟。自揮珠淚自酸辛。

夜吟寄鈍劍

霜華兩鬢漸相侵。短句驅愁苦自吟。九死尚生難化骨。萬緣俱寂靜觀心。風雲隻手開天地。道義雙肩並古今。寫寄東南舊常侍。應知情竭爲知音。

故園

未斷空山歌哭想。故園久住亦多情。新涼六月有秋氣。危溜三更知雨聲。坐看

芳流成寂寞。不應衰世話昇平。清宵百感多哀思。吟罷還搔短髮鬢。

夜步庭中

萬籟寂無聲。空天見月明。闌干斜欲墜。知己第三更。

奉酬太一懷人之作四章章四句

海水澗。且枯浮雲聚。復散蛟龍蟠。泥中忽被羣魔瞰。
天陰夜。作雲雲薄難。爲雨龍曰吾苟生。豈無三尺水。
海水倏騰。嘯一龍飛上天。龍子驅羣魔。投魔大海填。
龍咋語羣龍。潛之母見首。勿爲鳳兮嗟。且作獅子吼。

丁未生日述懷

蝶夢千年誰是覺。傷心斯世我猶生。古愁莽莽成長恨。人事頻頻付薄情。報國。
祇應餘痛哭問天。苦爲較陰晴。深秋欲盡留無計。愁聽蕭蕭萬木聲。

中年哀樂寄箏琶。守駿其如馬齒加。己分浮名等芻狗。不妨吾道繫匏瓜。百憂。

侘。儻。知。何。世。四。顧。蒼。茫。靡。所。家。泡。影。浮。生。猶。未。了。箸。書。且。自。惜。年。華。

過汨羅

靈均懷石去不返。過客千年弔汨羅。我亦餽糟啜醢者。獨醒終古奈君何。

落日 辛亥四月感事

何。自。能。揮。落。日。戈。時。衰。寧。復。感。山。何。茫。茫。且。作。無。邊。想。已。覺。吾。生。涕。淚。多。
我。馬。玄。黃。我。僕。痛。登。高。南。望。一。長。吁。蒼。天。曠。曠。斯。何。世。知。是。誰。家。屋。上。烏。
良。藥。醫。云。須。瞑。眩。大。雄。佛。以。濟。慈。悲。摧。枯。自。比。移。山。易。爭。奈。人。間。有。不。爲。
落。日。西。沈。逝。水。東。壯。年。心。事。託。冥。鴻。微。吟。不。必。關。家。國。自。古。詩。人。有。命。窮。

哭楊篤生

時。艱。蒿。日。國。才。亡。痛。哭。神。州。事。可。傷。何。必。蟲。沙。遜。猿。鶴。終。無。枳。棘。集。鸞。鳳。鬼。雄。
入。夢。二。三。輩。豎。子。成。名。千。百。場。歎。息。芳。馨。摧。折。盡。轉。憐。葵。麥。太。淒。涼。

長沙寄婦

安排生事供牛馬。分付靈心與劍蕭。眼底英雄如蝨大。胸中塊磊要才消。東風柳色春三月。細雨簷花此一宵。所不能忘負紅粉。封侯無分到班超。

湘城坐雨

陰雲霽霽雨垂垂。宴會登臨兩未宜。似揭吾憂幕。寥廓散與大地俱。淋漓門稀屐齒。故人少。秋入琴心孤。調悲轉賴簷花破。岑寂終嫌慙溜太孤危。

夢遽方從蜀歸。未至家復應余邀。往滬舟中閱所爲。蜀道吟草率齣二首。蜀道苦行役。念君親見之。歸來翻舊藁。贈我有新詩。風雨扁舟夜。江湖獨往時。吟懷故不淺。寥落使誰知。

共我飄零者。如君亦慨然。西行雙屐足。東去一帆船。天地容長嘯。糟醜任獨賢。名山他日事。卽此已千年。

八月十八夜望月有感

忽動天涯無限情。推窗遙見月華生。清輝未減芳容在。猶向中宵分外明。

露重風多微覺寒更深人倚玉闌干多應久負團圓意故向嫦娥缺處看

龍飛

龍飛已卜黃天立蛇斬先知赤帝成一夜驚雷轟獸窟武昌城接漢陽城

九日書感

萬里辭家成獨往百錢買菊作重陽不成痛飲偏防醉欲斂深悲轉覺狂生事十年猶汗漫人間一息有滄桑西風已自驚心極數遍歸鴻又幾行

金罇歌

春風吹花生繁香金罇綠酒森滿堂美人妙好世無雙剋風起舞翱且翔使君延年永樂康銅壺漏遲夜未央西風一夜吹秋霜漫天飛絮隨風狂樂不可極憂母忘願君北進驅虎狼吁嗟乎願君北進驅虎狼千秋萬歲爲君長行矣努力事戎行何爲憂思懷故鄉

中秋望月不見賦此悵然

人間佳節尋常過。盼到重圓又一年。待掃浮雲見明月。還將杯酒問青天。陰晴萬態成。今古歌哭無端付管弦。玉宇瓊樓渺何處。高寒應許照孤眠。

感事集放翁句

久矣儒冠誤此身。壯圖空負膽輪囷。西風落葉秋蕭瑟。如此江山坐付人。

題自書精神一到何事不成橫卷

我聞阿爾魄山高於天。鳥垂雙翼飛不前。壯士一呼萬軍振。漢尼拔與拿破崙兮相後先。地絕東西限南北。航繞阿非繞阿墨。蘇彝士河巴拿馬峽一朝齊洞開。造物無功天失色。思之思之思無窮。精氣之極鬼神通。至誠不動未是有。孟王管霸斯語將毋同。豪傑能興可作聖。惟志帥氣氣生性。不然六極弱居終。心死大哀風不競。千年士氣溯中摧。秦皇漢武罪之魁。銷兵鋤強風所被。直使生靈終古形如槁。木心如灰東漢諸公頗奮迅。清談一誤亡於晉。北宋復起繼以明。東林更自顏黃顧。王以後存無蘆。精神兮精神。精神兮國魂。疾則速兮行則

至一脈煖兮。宙合皆爲春。精神兮無死。國魂兮歸只。愚公之力。可使山爲移。縱然我身。未竟厥功。還更付之孫。與子天有日月星。惟精神之健兮。運不停。地有河海嶽。匪精神之固兮。奚以託。君不聞死諸葛能走生仲達。千古奇事。眞堪詫。適生適死。何足論。精神長在無時滅。懿夫伊川道學。世無雙。一言實踐。可興邦。畢士馬克。惕然悟。譯詞偶合。言無厖。祇今故國山河改。造時應有英雄在。百丈灘頭。挽急流。狂瀾既倒。安能待。吁嗟乎。精神一到。何事不可成。人定勝天。天亦難與爭。讀吾詩者。可以勃然興。聞斯言者。可以終身行。

今古

今古牢騷一腹收。閒來把酒看吳鉤。眼中所見都如我。人世徒聞有莫愁。作賦賈生休問鵬。傷時王粲強登樓。漫驚柳絮隨風舞。未抵兒童笑白頭。

五日山居卽事

紫屏晝掩靜無喧。高樹扶疏鳥自言。微有清風颺修竹。尙餘嵐氣逼朝暾。狂名

滅盡疏歌哭。骨肉凋殘冷夢魂。今日靈均正愁絕。嗟余何事更煩冤。

爲高鈍劍求陳蛻庵不可得劉今希書來道蛻庵相念甚因得告鈍劍事

於蛻庵作此爲笑

早歲海上識高生。去年醴陵接陳子。不見高生如昔狂。且喜蛻庵窮不死。西風吹人何時休。繁霜淒淒白上頭。各有人事擾且累。暫聚復散如鳧鷗。我書告高生長道蛻庵好。高生書來詞殷勤。欲致蛻庵如致寶。長沙斗大城。蛻庵去何處。菡萏香銷開菊花。芭蕉碎撼連宵雨。放頭祇有眠。張口不得語。愁腸迴環如轆轤。日百千萬億難數。劉郎。劉郎。真可人。一紙飛來滿室春。道是蛻庵近。相見似君善。病如君貧。乃識蛻庵狀。乃寄蛻庵詩。未知蛻庵作何語。且盡吾情慰所思。

感秋八首用夜飲聯句韻寄亞子梨里 有序

癸丑九月十二日長沙集夢遽醉庵癡萍邁南約真諸人夜飲因爲聯句八首未盡之意復援次其韻和之並促諸人同作自蛻盒老死甯戚

慘。慘。晨。星。朋。舊。落。落。天。涯。余。也。何。心。不。復。欲。弄。筆。爲。詩。以。道。其。蕭。瑟。矣。
然。固。有。不。能。自。已。者。因。粗。寫。一。通。遙。寄。梨。里。與。亞。子。觀。之。並。唏。爲。我。一
和。也。亞。子。其。謂。我。何。

秋。老。彌。深。搖。落。悲。西。風。吹。夢。亦。多。時。尙。餘。哀。樂。供。詞。筆。憑。遣。騷。愁。入。酒。卮。簾。外。
黃。花。驚。瘦。早。鏡。中。白。髮。怨。添。遲。行。吟。未。解。旁。人。意。已。分。成。頑。轉。說。癡。

仙。字。初。封。墨。未。乾。明。知。下。界。有。悲。歡。女。媧。鍊。石。天。難。補。精。衛。啣。海。已。寶。銀。漢。
幾。曾。通。尺。素。金。鈴。誰。與。繫。雕。欄。芳。菲。漸。覺。飄。零。盡。爲。擷。秋。英。辦。夕。餐。

欲。寫。沈。憂。付。壯。歌。江。山。眼。底。認。摩。娑。海。疆。南。北。懸。風。馬。圖。畫。青。蒼。點。黛。螺。歧。路。
不。因。傷。卻。曲。老。懷。寧。惜。與。委。佗。河。清。人。壽。君。持。較。強。更。爲。歡。復。幾。何。

秋。風。減。鬢。又。經。年。世。慮。徒。聞。芥。萬。千。不。道。神。工。難。鑿。空。倘。憑。日。馭。竟。回。天。人。言。
智。慧。須。乘。勢。佛。說。皈。依。待。有。緣。誓。願。衆。生。終。度。盡。幾。時。穩。放。大。悲。船。

匡。時。百。念。及。時。休。未。報。恩。多。忍。說。讎。肯。溷。塵。埃。隨。野。馬。暫。容。湖。海。寄。浮。鷗。種。蒲。

種柳年年大。聽雨聽風處。秋自有情懷。誰遣得。悔將身世作天囚。
擁衾高臥。掩重門。唧唧寒蛩似訴冤。紅豆頻年拋逝。水青山何處。認中原。沙蟲
援鶴終同命。南北東西待返魂。客子未歸行役苦。傷心夜月聽哀猿。
黯黯河山澹落暉。大江東去鷓鴣南飛。邊風撲朔寒侵甲。海氣沈冥月上扉。歎逝
已傷朋舊盡。觀心應念死生微。竭來一息無窮世。獨有空王可慰饑。
茹荼知苦。蓼知辛。悲喜相乘各有因。春去春來原是夢。花開花落不關秦。欲爲
鵬徙風斯下。待得桑肥海已塵。多謝故人頻問訊。繁霜依舊歲寒身。

避地二首

瓜蔓黃臺一再摘。楊柳白門三四圍。焚琴煮鶴垂垂盡。打鴨驚鴛事事非。千古
羸劉成嬪代。並時王寇有從違。長空雁唳風聲急。避繳銜蘆何處飛。
此身石火光中寄。世事浮雲眼底看。那意書空成咤怪。轉因避地得偷閒。賓朋
此日差相倚。絲竹中年強自寬。秋雨秋風祇如許。未應重累鬢毛斑。

辛亥夏日述懷一首集陶句

朱明方揚幽齋無營日諷陶詩藉忘煩暑中有所鬱觸緒紛來口誦既
爛舉詞易襲故竟集其句用述吾情取貌遺神聊自觀覽云爾

春。秋。多。佳。日。林。園。無。俗。情。寢。跡。衡。門。下。聊。復。得。此。生。時。還。讀。我。書。遊。好。共。六。經。
在。昔。余。多。師。緬。焉。起。深。情。春。風。扇。微。和。夜。景。澄。虛。明。或。有。數。斗。酒。杯。盡。壺。自。傾。
賦。詩。頗。能。工。清。歌。散。新。聲。歌。竟。長。歎。息。晨。雞。不。肯。鳴。少。時。壯。且。厲。猛。氣。衝。長。纓。
深。得。固。窮。節。飢。寒。飽。所。更。世。短。意。常。多。孰。是。都。不。營。終。日。馳。車。走。中。宵。尙。孤。征。
誤。落。塵。網。中。淹。流。遂。無。成。似。爲。飢。所。驅。但。願。世。間。名。榮。華。誠。足。貴。舉。世。少。復。眞。
人。生。似。幻。化。飄。如。陌。上。塵。所。說。聖。人。篇。憂。道。不。憂。貧。詩。書。復。何。罪。行。者。無。問。津。
慨。然。念。黃。虞。我。欲。觀。其。人。千。載。乃。相。關。益。復。知。爲。親。有。志。不。獲。騁。一。日。難。再。晨。
逝。將。不。復。疑。聊。爲。隴。畝。民。

擬城南讀書

山花散幽芳。晴光媚遙渚。塵羈偶愒息。欄檻暫容與。傑閣峙崔嵬。風搖鈴鐸語。賢聖雖遞嬗。芬芳自今古。樂靜可言仁。大化浩穹宇。胞與擴无際。豈必在濡洵。長途暑爍金。役夫汗揮雨。衆寂定羣喧。淵然此庭廡。多士集時英。健翮同高舉。懷哉風浴歸。卽茲勝沂舞。

爲亡友甯太一輯武昌獄中詩竟因題其後述哀

如君已死更安歸。風景河山舉目非。傳誌未成應有待。母妻何託竟無依。並時功罪千秋在。驚世文章知者稀。從此西山一坏土。年年憑弔涕沾衣。

生同里閨業同門。盧後王前有舊恩。癸卯受學吳僑三師同見期許十載憂患兩囹圄。丙午君以洞庭

波維誌繫長沙獄三年一時師友各阡原。茂陵遺草傷零落。叔夜諸孤重撫存。高義我輸

劉季子。謂約真負叢殘收拾恨難論。

感懷四首

高樓徙倚對斜暉。腸斷無言淚暗揮。身世自看同豹隱。網羅今已逐鴻飛。從知

頂踵能人利。安用形骸與世違。除暴。可堪終易暴。卽論生死事。輕微。枉勞奔走十年身。興漢誰知竟帝秦。黨禍。鈎連天未悔。霸才消歇。亂方真。可憐。賭國粵孤注。忍見操戈厚四鄰。從此止烏定誰屋。藐余何惜作逋臣。

平居百念計匡時。憂憤危言未敢辭。拯亂。幾曾逢國手。嫉余。早分到蛾眉。文章。九命寧天意。功罪。千秋許世知。芳草至今應獨玩。名山亦幸有鷗夷。

天翻地覆紛危涕。歲盡冬寒賦索居。戈在尙堪揮。落日轍橫。猶及認前車。龕燈。回向期。皈佛蠹簡。飄零且箸書。便欲南山看射虎。問天生我復何如。

山寺

山寺稀人跡。僧閒晝掩扉。犬團紅葉睡。鳥亂白雲飛。鐘磬靜彌永。莓苔古愈微。不因成避世。卽此是初衣。

歲盡

歲盡常爲客。時危屢棄家。避人如避虎。塗字當塗鴉。庵居日惟作書自遣薇長殷碩粟。桃

開秦洞花。饑鳥解相慰。鎮日自咿啞。

癸丑除夕

百念瀾漫拚。歲盡此身寥。落欲何之。滄桑世變。窺天意。風雨鷄鳴。慰所思。息影未傷窮。獨善迷津。但覺佛長悲。挑燈看劍。都無奈。閒禮梅花。自祭詩。

甲寅元旦

歲曆勤更。又此元。漸看啼笑有新痕。憂患肯付殘年。老功罪猶爲斯世。喧寧惜。卮言託孤憤。忍揮兵氣。望中原。深杯自倒。無妨醉。屠狗當時。幾輩存。

後園觀桃花

故廬久寄真成困。老樹春回盛著花。初擬石榴紅似火。乍看朝日爛如霞。穠華自信多才思。薄命從來有怨嗟。爲召東風一相問。吹開吹落底由他。

三月三日夢蘧見訪

侷儻黃君世所稀。乍能相訪到荆扉。一春坐困令人病。衆綠爭榮各自肥。稍極

郊原快遙目。乍臨蒼莽惜春衣。芳蘭自在無須贈。爲約西山共采薇。

情詩

昔夢渺如煙。今顏艷如雪。歡情嬌若雲。儂意皎猶月。悲思各紛紜。踪跡久離別。所懷末由展。欲語焉可說。在遠情日親。處垢行逾潔。何必諧鸞凰。乃謂同鸚鵡。流波轉含怨。繼淚還成血。倩笑不再逢。佳會此終訣。疏寮壓春燈。回廊響虛屨。獨坐心未寧。永念中懷結。

釣詩一首

遜世屏囂穢。抗懷慕詩書。餘閒事游釣。匪爲羨淵魚。時亦得修鱗。春塘鮮可茹。或乃僅償餌。眇如巨指麤。隈潭旣失用。鈎距竟成虛。歸廬對妻子。不謂免挪揄。至人諱侵物。相與忘江湖。小持覲大盈。何異祝篝車。世事每如此。非徒漁者愚。收綸悟初志。吾釣但爲娛。

脈脈

脈脈春陰天欲夢。老夫噫氣與誰同。高田初足一犁雨。矮屋時當四面風。會有疾雷起沈蟄。任看飛繳逐冥鴻。枝拘坐對人間世。青鳥何由得暫通。

雨止望章龍不見感而作歌

三日不見章龍山。閉門聽雨殊覺閒。偶到門前一相望。章龍何在空惆悵。我居山下三十年。年年不見章龍遷。遷亦何方止。何處夜半誰來負之去。或云連日雨滂沱。爭說蛟龍欲出窩。此山自有真龍臥。疑是龍飛山壁破。又言秦皇曾赭湘山濱。亦恐山靈欲避秦。不然山自厭爲人所擾。別有菟裘將送老。失山畢竟費疑猜。知是去還何日來。旣非錯被共工觸。又非巧遇愚公谷。非觸非逢兩不疑。問山山亦將何辭。山在衆綠連天碧。山去一時皆失色。山在春生萬樹花。山去草木皆含嗟。山乎竟遯人間世。山乎一去其誰繼。臨風寄語告山靈。我爲山歌。山請聽。惟山出雲能作雨。惟山有眼能垂青。惟山能爲萬民仰。惟山能作大邦屏。禽獸非山不能育。寶藏非山無自興。高隱非山無可託。奇勛非山無由銘。

山兮歸來吾望汝。風爲揚旗雷擊鼓。山兮歸來慎勿遲。乘有豹兮從有狸。常思兼良不出位。豈謂習坎還無時。山意若曰君無怒。別君未先君可恕。我肯忘君更適他。他縣無君誰與語。憑君一爲掃浮雲。千里萬里無塵氣。插天摩日佇相見。部婁百輩徒紛紛。

三懷詩集定庵句

二十高名動都市。萬千哀樂集今朝。中年才子耽絲竹。塵劫成塵感不銷。柳亞子婦才善哀君善怒。美人如玉劍如虹。不如歸侍粧台側。北俊南嬾氣不同。高劍別彼高山大川字。手校斜方百葉圖。自今兩戒河山外。偶落吟鞭便駐車。陳佩

題叔容文二絕句

詞嚴義密讀難曉。金石刻畫臣能爲。輸他百輩論鹽鐵。留汝千秋作導師。
李杜光芒長萬丈。王楊盧路自江湖。子雲但得桓譚在。一任羣兒肆詆訶。

次韻答今希見過王仙館中留別八首並示約真

渺渺春魂不可招。送君歸去又花朝。荼蘼一夜香如海。躑躅滿山紅欲燒。載酒
有人來問字。傳餐無肉笑聞韶。却憐未解求仙意。新待東風長藥苗。
驚世才名亦枉然。閒來坐破廣文氈。華年逝水拋紅豆。塵劫空花懺白蓮。歌泣
盡乖屠狗計。風波穩放釣魚船。祇贏心意明如月。分與餘光印萬川。
春光漸減見花飛。遠去王孫歸未歸。宿諾尙虛吳劍掛。斜陽空付魯戈揮。化猿
化鶴朋游盡。一死一生交好希。衣帶日寬人欲老。此身雖遜亦無肥。
罪言橫議總駢枝。文字由來不療時。諸葛苟全倦聞達。東方大隱且棲遲。秦人
避地何知漢。國教沈幽學在夷。便欲矜狂返淳樸。蹉跎臣壯悔難支。
幽情一往未能刪。仰止彌高不可攀。息息精靈周孔外。區區敝廢漢唐間。文章
司馬稱高足。詞賦揚雄當小鬟。卽此菟裘可吾老。著書何必定名山。
昆季崢嶸美且都。酸鹹嗜與世人殊。荆潭釣月詩成帙。藜閣延賓酒滿壺。鄰笛
那堪重感舊。春風猶自與噓枯。空桑三宿增惆悵。此意難忘繞樹烏。

與君便合築詩城。廣武相臨各鬪兵。避世已看同豹隱。忘機應許作鷗盟。長吟藉遣英雄氣。但飲何須賈豎名。筆健紙長吾道在。安排蟲篆了餘生。重到玄都未可期。相望何以慰吾私。扶風授學方懸帳。繁露傳經勉下帷。尙喜武城無越寇。獨憐魯國有原茨。西窗翦燭如追憶。譁夢應煩更論詩。

今希約真昆仲見過

熙春麗日照尊壘。村釀初溫喜客來。二月花如十五女。百年人醉幾千杯。仙源杵臼空陳迹。塵世滄桑冷劫灰。但合逢君開口笑。此生何事更腸迴。

館夜

強欲偷閒竟未閒。東風漸見落花殘。蛙聲撼臥迷宵漏。雨氣禁春釀。晚寒驚世文章。徒自喜憂天。涕淚太無端。空王肯示皈心法。且辦熏修習止觀。

今希約真昆仲過談一首

劉安尙自耽鴻烈。而我猶能起法言。鷄首似憐天既醉。馬肝欲使士無冤。花飛。

春盡聞鶻語。草長泥肥有燕暄。多幸故人數相訪。高談一爲挾愁根。

寄陳豪生長沙

故人心事眼中存。肯枉相思問斷魂。湖海寄愁君自健。山林照夢我無冤。憂天漸怯。飄殘淚。銷骨甯知累衆喧。滯酒耽吟祇如昔。未妨秋雨病文園。

九日登嶗岡山作

雲山千里目。風雨一天秋。有客同住節。因之攬近遊。求仙尋洞口。探石出林陬。且坐一長嘯。清風生遠颺。山側大石下有巖洞。面章龍深廣可八九尺。山背巨石陡起高二丈餘。俗謂狗祭石嘗殺狗。祓旱魃其上。

事誕不經當云。陡起石爲近。

虛舟沈絕壑。疑是禹王過。古殿迷苔蘚。荷墳帶薜蘿。秋香紛爛漫。樵徑累陂陀。莫負登臨美。林皋落葉多。山頂巨石如舟。曰船槽。岡盡處曰庵。坪相傳有僧庵。建此今爲墓地。

舊種家園菊。歸來徑已荒。猶能謀一醉。便與作重陽。出處兩無著。江湖興未忘。遙知南社客。相憶蟹臍黃。南社以是日雅集海上。

次韻和湘荃夢蘧聯句卽寄

獨上空山弔夕陽。寥天無際暮雲黃。九秋客思三更夢。一夜西風滿地霜。萬事
催人身漸老。卅年入世我何嘗。故人遠道勞相訊。欲箸新書悔未遑。
鳳見麟遊未可期。風雲萬變總離奇。不須鴻寶談三略。且共蟬篇笑四癡。遲暮
英雄消髀肉。崢嶸臺省負須眉。狂名收拾無多事。但感秋風念別離。
來日云難患已深。國微更啓四夷侵。投梟一誤宜天笑。避世無心與陸沈。涕淚
早除名士氣。治安徒惜少年心。荒江獨臥驚秋晚。敲斷天邊萬杵砧。
人民猶是未全非。遼鶴何妨且倦飛。五百年當名世起。無邊法待衆生歸。求賢
不入明王夢。推食常憐壯士饑。寄語幽燕舊屠狗。故山亦自有初衣。

五月十四日和議再停書事

傀儡登場又一回。後臺掣綫舞前臺。等閑戲罷收將去。枉用旁人說怨哀。
定情鈿約記當時。密語猶防鸚鵡知。却被上清諸女妒。專房竟不讓蛾眉。

哀弦獨柱不成彈。忍說人間有鳳鸞。終賴此公存正氣。羣兒錄錄但求官。
憔悴青衫滿淚痕。行吟江月又黃昏。逢人莫便誇詩史。別有傷心未忍言。

五月廿一日與胡樸安高吹萬同游北固山作

千古英雄消歇盡。可堪今日爲登臺。江山憔悴空文藻。風雨漂搖老霸才。傑閣
坐看凌莽蒼。奔流猶自逐喧喧。憑欄何限興亡感。豈獨倉皇北顧哀。

焦山以漢焦先得名一曰譙山戍今猶置砲防江焉南麓僧寺所集

稍隔人寰已辟塵。水雲深處自成鄰。半江帆影依欄楯。終古山名屬隱淪。古戍
寒。侵江月。苦斷崖。怒鬣海潮新。吾生自慣長飄泊。便得留庵肯息身。

金山舊聳江心今南接陸可徒往是日並觀東坡玉帶下山一里試中冷

泉陸羽品爲第七今刻曰天下第一泉依劉伯芻說也

沙浮更與岸平連。流徙從知歷幾年。寺裏山依危磴出。風前塔尙語鈴懸。鎮門
空見坡留帶。螯石爭傳陸品泉。古往今來一惆悵。忍揮閒涕對江天。
此詩既出吳江陳佩

忍自廣州移書見告云金山浮峙江中洪楊之役太平軍運江西木筆爲舟航期以東下不圖事敗遂悉棄其筏於山麓縣亘數里南北充塞日久沙積竟成平陸此光緒乙巳冬親得之鎮江一老儒所口述者

自金焦還重泛梁溪謁項王廟登萬頃堂觀太湖作

具區三萬六千頃。腰腹槃槃此一毛。解與胸身空芥蒂。方知世外有逋逃。項王祠在松楸古。仙蠡墩荒楊柳高。且欲駕龍滄海去。吾衰只合事漁篙。龍山湖中勝景仙蠡

墩在梁溪相傳蠡載西施停棹處今惟老柳一株婆娑待盡

重游惠山與樸安吹萬試第二泉攝影聽松石坐雲起樓登錫山而返

攜得金焦兩袖山。重尋惠麓俯潺湲。竹爐未改前番火。松石強如我輩頑。細數魚游宜自樂。坐看雲起欲忘還。林泉應有歸來分。不信浮生老不閒。

重游惠山追憶四月九日與宋癡萍登三茅瞰石門憩白雲洞題名山寺

之樂今且匆匆不可復得矣凝望悵然因賦一首

惠麓名泉天下奇。惠山勝處少人知。石門雙闔經行處。飛瀑一絲收雨時。仙洞

白雲自還往。帝城宮闕鬱參差。絕頂左右皆高石峭壁周圍若城垣重來已負登臨美。爲溯前游更補詩。

題吹萬游草並示樸安

詩人我識高吹萬。攜手同登北顧樓。古往今來何限感。可堪極目舊神州。十年豪氣未銷除。脚底煙波遍五湖。自有斯游亦難得。三山三子合成圖。

次韻和胡樸安焦山詩三首

六朝柏

日落未落天風高。潮生不生海水焦。南麓森然見雙柏。銅柯石幹凌神霄。斤斧剝腸香未歇。一株半削心難滅。一株合與伴椒山。蒼顏猶凝千年血。柏有二一在定慧寺

前已剝削大半壘埽補之一在焦先祠內其後堂卽祀楊椒山歲寒呵護若有神。恍然夢接六朝春。渡頭無復

桃根在。舊苑空餘楊柳新。當年知是何人樹。應有高人隱雲霧。寧爲真逸與山樵。瘞鶴茲山勞汝護。人間積薪何其多。世無匠石空嵯峨。坡亦見竹不見柏。

兮柏兮爾奈何。坡詩焦山何有有修竹

周鼎

靈光朗耀何融融。琉璃作室居當中。漢鼓唐幢那足數。有如倉粟堆陳紅。山有諸葛孔明銅鼓及唐列陀羅尼經幢腹中奇字隱約見。刻畫屈曲蟠虬龍。識近遺遠未可讀。十年諷籀吾何功。傳聞此鼎在明室。權奸窺竊計剽工。獻玉乃別卞和足。歸璧莫睨相如瞳。庸知轉瞬遂勿保。神物非有藏之公。鼎故京口某公家物嚴嵩欲之不與因嫁禍焉鼎入嚴氏及嵩敗復歸某公念禍由鼎作不祥乃捨之寺中主人賞鼎信有意。椒山曾此盪雲胸。便與入林象。魑魅猶防躍水起。雷風險。稟定陶亦可貴。山有漢險麋定陶鼎啓。諶子寓俱無窮。周遂啓諶鼎周子寓鼎在金山坐感古人三歎。息夕陽。西下長煙空。

瘞鶴銘

雷公晝吼蛟龍怒。江天冥冥作煙霧。轟然裂石下江潯。零星碎亂不知處。卽今存者字已奇。臥拓不復煩水湄。聞從山僧得此本。眼福足補腰漆疲。墨痕斑駁

蘇花澤。雲根割取如人立。九十一字則可尋。豈止長沙誇七十。銘舊刻焦山之崖雷雨裂墜
山麓宋時已必俟水涸仰臥施拓歐陽公得六十字爲最多常僅數字而已清
康熙二十五年長沙陳恪勤公鵬年始出石移立寺中云得七十餘字今寺僧
拓本稱八十九字以余諦審石上立字表上華字
尙存少半可算九十一字不知恪勤何以反少 勝事流傳好事多俗工刊鑿
神工泣。卽今滄海起波瀾。九土汨沒地軸殘。華表千年倘歸鶴。滿目應憐異昔
觀隱居不作眞侶逝。黃長容以銘爲陶隱居書良是亭林辨之尤審 思古有淚誰能乾。夜夢羽衣絕寥寥。
廊鐘聲欲動松風寒。

次韻和亞子

不飲眞成負酒杯。沉憂其柰逼人來。撫頭看鏡斯何世。抉目懸門事可哀。湖海
十年嗟我老。死生百輩賸君才。狂名減盡孤心炯。猶別叢殘到燼灰。

贈羅漫士

海上相逢鬢欲絲。尊前舊事忍重思。只今明月湘江夜。不似當年歌哭時。
夢蘧於臨武縣任葺後園爲栩園書來索題因寄一首

訟庭如水吏人間。官舍蕭然晝掩關。賴有園林慰幽獨。定知秀句滿溪山。風雲
入座看騰達。魚鳥依人自往還。待與欵眠懷舊事。斜陽正挂萬峯間。今臨武界
上有欵眠

館為韓張期宿處
其地即名期宿村

終古感五月四日事作

終古離騷事可嘆。孤臣有淚莫輕彈。徒聞義帝存三戶。不見懷王斬上官。六郡
已知非楚塞。一行猶恐絕秦歡。從來亡國由昏惑。前史分明未忍看。

栩園詩選

黃鈞字夢蘧號栩園湖南醴陵人今錄詩二十二首

落梅

三十六宮春意滿。梅花處處寄行踪。半簾疏影三更雨。二月江城一笛風。閣部
衣冠溫玉骨。壽陽粉黛殘紅。清華不受東皇寵。飛入春山春雨中。

次韻和鈍根聞韓事有感

舊臣箕子今何在。故國蕭蕭靡所家。楓落牙山秋色冷。壁啣漢水夕陽斜。曉霜欲作漫天霰。蔓草翻滋遍地華。休道鷗夷甘樂國。須知螳臂不勝車。

錦城紀遊十首

小雅淪亡孰嗣音。空山迢遞費追尋。杜公祠宇春容老。堂上槐陰一尺深。工部

百卷詩成公倦矣。精神耿耿塞洪荒。時人亦有驚人句。不敢題詩向草堂。拜少

六十年間萬首詩。剷除柔靡育雄奇。詩人老去音容在。團扇紛紛覓畫師。拜像

名山終老復何求。傲骨嶙峋世所羞。讀罷士甘燔死句。人間何處覓公侯。拜像

重整吟鞭一駐車。春魂顛簸夕陽斜。城南十萬金鈴解。流水聲聲喚賣花。百潭

將軍雄武氣縱橫。寶馬雕弓出錦城。萬里搖鞭一揮淚。東南雲氣滿長纓。萬里

鄧芝出使東吳武侯送之謂曰此去別君萬里云云故名

武侯祠畔春歸晚。隔葉黃鸝又一聲。策馬南來增歎息。憑欄一弔爲蒼生。武侯

天下英雄屬使君。曾憑龍虎弄風雲。難堪錦水春歸日。桃李無言對古墳。謁昭烈惠

陵

歷。劫。丹。成。道。萬。千。飛。昇。雞。犬。亦。神。仙。補。牢。解。識。人。間。苦。故。使。青。羊。不。上。天。

青羊宮

殿中有銅羊二相傳老子所遺

錦。城。多。少。垂。髻。女。爭。汲。寒。泉。漱。齒。牙。井。上。口。脂。香。不。斷。春。風。分。半。寄。枇。杷。

井薛濤

自成都歸舟中作

久。客。三。巴。事。可。哀。錦。江。七。月。放。船。回。西。風。日。暮。水。流。急。萬。疊。秋。山。入。眼。來。

夜泊嘉定望東坡讀書樓有感

腸。斷。當。年。水。調。歌。餘。音。猶。自。泣。蛟。鼉。乘。風。我。亦。欲。歸。去。天。上。寒。溫。近。若。何。

塗山詠懷

破。碎。河。山。不。可。支。渝。城。險。峻。至。今。夷。鼓。擊。江。上。聲。悲。壯。萬。國。衣。冠。異。昔。時。

九日候鈍庵不至

鈍。庵。胡。不。來。益。我。心。頭。悶。入。秋。風。雨。多。遊。人。頗。困。頓。閒。却。滿。籬。花。未。了。登。臨。願。

江間風波惡。帆力亦云健。不信一水間。誠如千里遠。漸漸鯉魚風。日暮添離恨。九日不登高。常恐山靈怒。山亦恐我愁。旭日當前吐。清風飄然至。引我雲間路。松澗響流泉。枝頭滴宿露。昨夜小橋霜。染盡千株樹。秋風愛晚亭。上有題紅句。小立望瀟湘。怳怳不能語。盈盈秋水平。誰唱公無渡。

行行陟雲麓。愈高愈生悲。朔風捲地來。木葉脫南枝。南枝有棲鳥。更向南方飛。我家南山南。苦不望見之路。旁有茱萸。婷婷美其姿。遊子悲故鄉。對此雙淚垂。日暮嬾下山。惆悵自吟詩。

新年感事

重理屠蘇舊酒杯。心情歷亂百堪哀。雨餘草木饒新淚。劫後英雄半死灰。傀儡登場終是戲。珊瑚樹海不成材。試看歌舞歡騰地。又見胡兒策馬來。殘燈明滅動星辰。夜氣沈沈集此身。萬竅風生聞鬼語。一山松老作龍鱗。漸知世運多磨蝸。頗覺胸懷貯古春。桃梗土人原一例。江湖十載孰爲親。

落梅二首

東風一夜吐繁華。萬樹官梅盡解粧。春暖繡闌人弄笛。月鋪疎影土眠香。未隨雲雨沈巫峽。應有仙魂返帝鄉。此日花開復花落。江南江北馬蹄忙。

風雨瀟瀟滿玉堂。詩吟東閣倍神傷。冰心懶與爭春色。素手曾經點曉粧。夢斷羅浮空有月。歌成艷曲不聞香。此身好向瑤臺去。休伴紅泥護衆芳。

夜雨讀老莊書竟感而有作

讀罷南華道德經。萬緣俱寂一燈青。惟聽嶽麓峯頭雨。席捲殘花下洞庭。

約真詩選

劉謙字約真湖南醴陵人今錄詩十五首

哭太一詩 并序

寒風振窗檐溜斷續。一燈如豆萬緒縈懷。因憶知識年來零落殆盡。觥觥太一且天斧斤冤煩填胸。迄不成寐。乃披衣起坐。歌以寫哀。搜索枯

腸得句十截已而擲筆縱號曙色蒼涼穿樯入矣

漫。長。夜。何。時。日。甯。戚。悲。歌。夢。見。之。死。別。依。依。爛。一。載。傷。心。追。悼。不。成。辭。
蘭薰當門合被鋤。非關誤食武昌魚。生平自有千秋在。爲跖爲堯儘毀譽。

每於患難見深情。十載論交與弟兄。腸斷當年耦耕約。可能相續到他生。君繫

沙時余適讀書城南得時往探視因有中國同盟會湘支部之設君嘗謂余使共和底定餘命猶存當與子卜居萬山中力耕自給不與世競榮利也

怕從舊篋檢君遺。斷楮零縑繫我思。最是捨身先一日。獄中緘寄子由詩。君寄

律於死前一日託滄森帶出蓋絕筆也

不與臧洪同日死。負心負友此吞聲。一棺歸葬尋常事。忍向人間留令名。鈍根

余撰歸葬太一記就詢始末余黯然神傷弗忍答也

西山一塚倚長空。薜荔驚秋泣鬼雄。天亦爲君留紀念。染楓如血滿江紅。君塚

山之顛淥水瀦洄其下霜葉映流常作赭色

生平知己數天梅。我自南幽聞幾回。賦得招魂長短句。遙知宋玉有餘哀。高天

君詩甚哀余讀之未嘗不泣下霑衿也

等身箸作今何在。魔劫寧教到簡篇。收拾叢殘成一卷。煞勞傳根柳子損宵眠。

君生平著述甚富身後散佚存者寥寥鈿根亞子到處蒐求始裒成古文詩詞一卷出版有日矣

白髮高堂黃吻孤。泉臺應亦慘啼烏。祇今消息差堪告。子讀能勤母尙腴。君母

在年垂七十遺孤子一女一均穉子名鴻猷現肄業遵道會小學校儻有父風

死生勘破十年前。後死安歸却見憐。君自武昌獄中致余書軫念後死若言外有餘痛者願共有情拚一

哭。哭。聲。震。梵。王。天。

哭唐守榷集放翁句

雪捲靈犀八月濤。男兒壯志付滔滔。旁觀莫苦嘲痴鈍。自古甯聞死可逃。
靈斷蒼梧竟不歸。葦花漠漠弄斜暉。河山未復胡塵暗。士氣崢嶸未可非。
燕趙風塵久未平。著鞭無日涕空橫。故人零落今無幾。腸斷西風薤露聲。
手掣鯨魚意未平。悲歌流涕遣誰聽。淒涼江夏秋風裏。兩兩三三鬼火青。

寄鈍根吳門

寒梅花發綺窗前。欲寄相思恨轉綿。記得蘇州明月好。可能千里共嬋娟。

今希詩選

劉澤湘字今希湖南醴陵人今錄詩一首

過西山辟支生墓

停車步上西山麓。血痕新染紅躑躅。垂楊有眼不勝青。芳草無人隨意綠。峯迴路轉辟支墳。宰樹參差亂入雲。樹上子規啼夜月。山頭寡鶻慘離羣。憶昔翩翩正年少。綠萼紅蕖日初曉。胸有千秋夢日邊。目空餘子超塵表。崢嶸頭角露巖然。玉唾隨風落九天。衛氏璧人游市上。謝家瓊樹植庭前。庭前秋早靈椿萎。國步時顛拳禍起。萬里陰霾慘不舒。一腔熱血騰無已。此生安肯老蒿萊。出門一嘯層雲開。黃禍滔天自儂始。青萍斫地爲誰哀。男兒鉛槧安足事。討虜待隨傅介子。南國颺馳倚馬才。東瀛恥學屠龍技。一呼振臂葬姚陳。

君夫怙後卽肄業明德中學校旋留

學日本適取締風潮起陳天華蹈海君遂與姚競生等歸國組織中國公學未幾姚以校事亦捐身黃浦江君乃扶兩櫬返湘瘞之嶽麓各校學生送葬者近萬人大觸潛結同仇擯暴秦尙雲等在湘組織同盟會支部伐鼓撞鐘震大地清吏忌

洞庭木落波粼粼君瓶辦洞庭波逾年萍醴義旗舉海外閩雞先起舞時君在日本

民報聞萍體消息兩聯當道明知有虺蛇歸途畢竟逢豺虎君行至岳州為清吏所捕解長沙獄

南幽被逮幾經秋攬鏡狂呼快斷頭留得金剛身不壞新知舊雨費綢繆未成

信讞旋君赦李杜高名滿天下北走幽燕訪狗屠于期頭在猶堪借主持清議

警神州出獄後主北京喚醒國魂爭自由散盡千金交任俠拚將一劍報恩仇

睡獅忽地東南吼響應遙天趨恐後為斷賊糧運六韜武漢義軍起君急買輪南返途閱大陸報具言

北京以黑漆飾招商輪船標幟裝載米糧接濟漢口兵艦君譯其稿轉送九江司令屬其密捕遂擒三艘漢口滿兵輪以糧絕降旋參戎幕光

九有當軍務緊急時湘督延為祕書甚倚任之九有重光見太平朔南統一遽休兵何期削帝稱民

主功狗翻先狡兔烹統一後君總辦三佛鐵路既聞張方破戮憤甚有亡羊祗為歧途誤功狗翻先狡兔烹之句未幾離粵復值宋案發

生肅牆頓起干戈覺錯認殊勳成躁進奮繳彌天困羽翰鴻離魚網嗟誰信鳳

鸞依舊入笥。囚文采周身合便休。營救有心傾海內。挽回無術悵潮流。禰衡有才賦。鸚鵡禰衡不幸遭。黃祖黃鶴磯頭血。濺天武昌八月飛。紅雨模糊血裏舊。征衣予季輿尸千里歸。病榻慈烏號欲絕。覆巢鷄鳥慟無依。當年桃李驕春早。今日松楸傍春老。君年不壽壽以夕。傅鈍柳亞高天梅蘭汪泉刻遺稿。卽今黃霧蔽乾坤。剪紙難招國士魂。抉目定能看越寇。拊心誰復拯黎元。一坏長祝山靈護。紅拂憐才應一顧。慕距紅拂血食縱然餒若敖。尸居莫厭同楊素。我來攜酒酌墳前。慨想生平恨倍牽。爲罪爲功付青史。誰譽誰毀邈黃泉。人生泡影空陳迹。舜跖彭殤都過客。叩角誰賡甯戚歌。飛鳧莫辨王喬舄。輸君此去脫塵緣。不墮情天色界天。賸有舊貽紅豆子。春來花發思年年。

楊生詩選

陽兆鯤字楊生湖南醴陵人民國元年楊生寓居海上時相過從癸丑以後蹤迹遂疎不復知其行止矣今錄詩八首

南都感懷

莫將王氣重提起。建業蕭條歷幾霜。吳主有宮沈蔓草。孝陵無石障斜陽。滄桑
變幻天難問。烏鵲飛鳴夜未央。我已廿年賦焦尾。知音誰是蔡中郎。
不爲功名不爲錢。辭家十載事征鞭。匹夫那許憂天下。秋色無端上鬢邊。畢竟
多愁緣識字。商量上策獨逃禪。吳中今又羈張翰。一憶尊鱸一惘然。

辛亥生日感賦

潦倒天涯燭武身。臣之壯也不如人。儒冠莫補危棋局。仙藥難回大地春。忍死
貪觀吳入楚。捐生爭似衛如秦。申江簫管喧闐夜。一箇淒然夢獲麟。

卅年身世類蓬輕。未醒華胥記得清。運甕朝朝磨虎臂。枕戈夜夜數雞聲。天無
太乙隨劉向。地有長沙謫賈生。此日漫歌將進酒。范文先遣祝宗行。

感近事贈亞子

祇管酬恩不報仇。君謀轉勝自家謀。詩名海內歸梨里。交誼唐還又柳州。霽月

一輪光皎潔。停雲千里徑清幽。何時載取醇醪至。重醉春申舊酒樓。
萬矢攢心命若絲。苦澆死法與歸期。此身不合投人界。到此良難覓國醫。末世
乾坤都局促。故山桑梓斷懷思。他年屈子招魂夜。祝向風前灑一卮。

放歌

人生誰不死。上壽終百年。今我四十至。來日無幾焉。功名苦不早。富貴操之天。
麗華不我顧。安期無我緣。與其塊然存。白日如黃泉。毋寧泠然行。御風太華顛。
與其遭俗眼。龐吠隔林烟。毋寧潔身去。談笑古人前。冥世有樂境。靈均推邦賢。
何況陳姚逢。交誼堪重聯。國亡罔觸覺。種滅不株連。骨肉暫離別。至日終團圓。
一了百俱了。長眠復長眠。譬彼勞役者。中途息重肩。哀哉衆生愚。脫離不予先。
申申蹤相詈。兩耳今寒絲。

養生

養生且拙况治生。不學莊周與許衡。賤骨便教埋海畔。窮途未減是風情。九徵

十辟身安用。五亂三分局。已成難忘故人。一杯酒。春風窮倒滬江城。

民訐詩選

潘世謨字民訐湖南醴陵人今錄詩五首

王仙學舍呈鈍根先生

無端盼得春光到。滿樹桃花映眼紅。天地悠悠人自在。更誰與共拾殘叢。
十年歷盡滄桑劫。無恙程門今又來。回首溪山一歡笑。幾多楊柳傍樓臺。

燕

一聲長寄萬紅天。感慨應知弦外弦。重到烏衣春寂寞。不堪王謝憶當年。

蠶

無奈春寒日日長。萬端憂思集中腸。臣身蟄處臣心瘁。留得經綸補八荒。

同學晚憩小丘

甄綜道與藝。文質何彬彬。攜手憩高岡。吟咏斯以伸。微風送晴暉。輕烟抑暮塵。

幕天與席地。大雅誰足論。寄懷託萬物。將以求吾仁。爲仁豈不樂。卽此全吾真。

感春

三春日夕佳。東皇助吹嘘。起覽園林秀。中心自和舒。萬壑青且蕪。千山紅欲酥。羣鳧浴淥波。輕燕飛天衢。欣欣物向榮。德化當與俱。

侶霞詩選

朱德龍字侶霞湖南醴陵人今錄詩四首

我所思

我所思兮在江曲。凌波仙子顏如玉。姣如秋水出芙蓉。淡如靈池濯芳菊。木蘭爲舟桂爲楫。錦帆延佇波光綠。我欲從之鯁與鯈。迢迢一水隔江淥。

我所思兮在城隅。彼姝之子手明珠。花鈿驚鸞勻翡翠。玉搔舞蝶拂珊瑚。枇杷當戶柳當門。弱不禁風倩誰扶。我欲從之膠與漆。雕牆遙睇空踟躕。

我所思兮在庭隈。空堂虛響月徘徊。紈扇偷遮雪衣女。弓鞋輕印玉階苔。玳瑁

爲梁瓊爲檻。徙倚華裾去復來。我欲從之牛與女。銀漢無聲玉漏催。
我所思兮在簾櫳。銀缸明滅紅豆紅。金背鏡移防透月。水晶屏澈不通風。霧綃
爲襦羅爲襪。含愁默默理絲桐。我欲從之鳳與鳳。珠簾不捲曲未終。

滄霞詩選

劉師陶字滄霞湖南醴陵人今錄詩二首

夜泊

掛席迎流不計程。停舟水驛更忘名。天風作雪寒侵骨。岸犬驚人吠有聲。半壁
河山傷豕突。片時泥爪類鴻征。宵深愈覺愁無奈。斜倚孤篷數斷更。

次韻和鈍根聞韓事有感

曾聞聶政能尸廐。無復於菟肯毀家。晉馬嘶風盡東首。魯戈促日竟西斜。故宮
禾黍油油綠。廢冢棠梨鞞鞞華。共道虢亡虞不臘。誰從覆轍悟前車。

幻園詩選

文斐字幻園湖南醴陵人今錄詩五首

哭太一次獄中原韻

豪氣曾將雲夢吞。那堪尊酒細重論。洞庭波撼蛟龍泣。公以洞庭波案繫南獄三年余上下援救經營
慘淡始衡籠雲迷燕雀喧。昔葬陳姚二烈于麓山湘
克脫離恨問天闔國魂未返人先逝。空聽寒鴉悲墓門。中頑紳反對公幾不免禍竟種惡因摧壯士誰將遺

國事奔馳十載忙。常携馬革到沙場。那堪枯骨誇神聖。長使英雄悲屋梁。臨難
 不虧温序節。美新終恨子雲狂。登樓忍賦招魂語。風葉蕭蕭萬木涼。

春夜感懷

故國山河在。何時歸去來。共和春夜夢。身世却餘灰。但覺漏聲疾。那堪行役哀。
 家書頻斷絕。顧影獨徘徊。

寄贈今希約真

故人書萬里。心緒倍悠悠。既我皆金石。羅胸盡斗牛。胆肝三尺劍。詩酒一園秋。

湘。澧。鍾。蘭。芷。羣。誇。大。小。劉。

送友人歸國

萬。里。波。無。際。西。風。一。葉。浮。那。堪。羈。旅。月。偏。觸。別。離。愁。舉。世。頌。新。莽。何。人。識。馬。周。
江。湖。風。浪。險。珍。重。故。園。秋。

幻盒詩選

文。灰。字。幻。盒。湖。南。醴。陵。人。今。錄。詩。四。首

寄懷惠湘季弟湘潭

無。端。烽。火。極。天。荒。遙。憶。瀟。湘。欲。斷。腸。惠。湘。時。任。湘。潭。釐。政。最。是。惱。人。天。際。雁。終。宵。連。陣。咽。

清。霜。

達。人。從。古。貴。知。幾。亂。世。何。曾。有。是。非。記。得。去。年。今。夜。月。霓。園。高。唱。不。如。歸。霓。園。中。

菊。部。不。如。歸。新。劇。名。

漫。云。更。隱。卽。神。仙。匏。繫。終。多。物。累。牽。濁。酒。一。杯。琴。一。曲。最。宜。人。是。遠。山。巔。

回首庭柯落日斜。亂山深處白雲遮。何時共遂歸林願。甜酒流鶯度歲華。
芸盦詩選

卜世藩字芸盦湖南醴陵人今錄詩四首

傷亂四首

兵氣。繚然。逼漢東。夕陽。城郭。水光中。異人。近出。虬髯。傳軍事。微聞。魏羽。翁略地。
颺車。三戶。坼。驚天。雷鼓。百蠻。通。劫灰。未死。猶篝火。跋扈。飛揚。起大風。
殷遺。蠢蠢。任屠。封。勅勒。歌哀。白草。低。亭長。縱橫。三尺。劍。大王。慷慨。一丸。泥。蝸牛。
坐見。居成。國。螻蟻。猶能。力。潰隄。秋老。譙樓。霜月。苦。五更。清角。有鳥。嘯。
天下。安危。事。萬難。新亭。濁酒。話。悲酸。成功。未許。添蛇。足。強死。何關。食馬。肝。暮雨。
空山。經國。變。秋風。野屋。問盤餐。十年。憂患。吾將。老。倦鳥。憑誰。刷羽。翰。
書從。墨守。廢。何休。夢澤。章臺。有舊遊。已恨。王郎。空斫。地。不堪。宋玉。尙悲。秋。天邊。
烽火。驚飛。鳥。湖上。波濤。犯。客舟。若箇。無家。千里。別。瀟湘。南望。裂雙眸。

攘夷詩選

孔昭綬字攘夷湖南瀏陽人今錄詩二十首

東游仙詩留別邦人諸友

江川橋畔雨如烟。久世山頭水接天。上已端陽都過了。鶻鷓聽罷。又啼鶻。
驚心怕說同舟事。付與東西去。往潮若個中流。逢灩澦。灘從險處。莫停橈。
羣芳鬧景鬪春妍。紅到斜陽春可憐。隔岸笙歌猶未歇。有人催喚木蘭船。
碧玉芳齡正破瓜。隨風飄轉入侯家。無端眉字翻宮樣。螺黛新添定幾車。
錦瑟華年瞥眼非。么絃悽斷大絃違。傷心海岱門邊月。曾照當時廿五徽。
簾幙重過鎖日垂。天顏喜怒費猜疑。九華帳裏深宵語。除是胡兒那得知。
姊妹喧呼鬪草回。君王新幸集靈臺。內官製進纏頭冊。要領丁娘月費來。
愁病侵尋每自傷。蘭姨瓊姊各霓裳。喘絲一息猶能屬。信有人間□□□。
奉使催花紫詔宣。綠章連夜奏君前。游蜂只合衙官老。不敢芳叢弄蝶權。

別殿傳開湯餅筵。上皇親賜洗兒錢。無功未敢邀天寵。玉牒新箋又幾篇。
長安三月麗人行。薄試嬌嗔已暗驚。生就蛾眉顰更妒。宮車別出覓鷓鴣。
妝勻半面趁時新。恩幸昭陽第一人。又見蓬萊水清淺。漫教東海再揚塵。
越女當年嫁入吳。吳王親爲褪羅襦。五湖烟月今何似。可許夷光憶故夫。
白日飛昇事偶然。漢家雞犬半神仙。而今名士多如此。不是洪崖也拍肩。
角觝魚龍帶笑看。百靈春暖擁千官。偃師畢竟遭訶斥。故遣神羊製法冠。
由來豐沛帝王州。百二歌兒尙在不。今日大風思猛士。含情重問什邡侯。
新朝景運日方中。莫愛山前拜舞同。天子自開長樂殿。人間別有望夷宮。
庾辭何處託微波。禁籟春深楚語訛。吩咐江關舊詞客。紅兒拍板雪兒歌。
河梁回首暮何之。鴻雁來時水一涯。海國不生紅豆子。蘋婆留取證相思。
靈瀉山色鬱葱籠。此去猶能倚瘦筇。青史他時搜隱逸。頭銜合署小蓮峯。

卷二終

上海图书馆藏书



A541 212 0016 5450B

308580